

إبداعات فى دنيا الشعر الحر

ديوان

أحاسيس وطن

تأليف

الكاتب والشاعر

الدكتور/ على الصياد



تصميم الغلاف: دعاء عبد الواحد

تنفيذ المتن والغلاف
بقطاع نظم وتكنولوجيا المعلومات
دار المعارف

الناشر: دار المعارف - ١١١٩ كورنيش النيل - القاهرة ج . م . ع

E-mail: maaref@idsc.net.eg هاتف: ٢٥٧٧٧٠٧٧ - فاكس: ٢٥٧٤٤٩٩٩

http://gate.der_elmarf.com

إهداء

- إلى زوجتى وأبنائى، الأعزاء.
- إلى روح أبى وأمى وأرواح إخوتى كرم ومجدى وعاطف الذين وافتهم المنية، وكلى أمل ورجاء أن يتغمدهم المولى برحمته ويجعل مثواهم الجنة.
- إلى أصدقائى وأحبابى وكل مخلص على أرض الوطن يعشق العدل والأمان ويرفض الظلم والطغيان.
- أهدى إليهم جميعا هذا الديوان. وكلى أمل ورجاء أن ينال الإعجاب

د/ على الصياد

دعاء

اللهم إني أعوذ بك من كل عمل يخزيني
وأعوذ بك من كل صاحب يؤذيني
وأعوذ بك من كل أمل يلهيني
واللهم أعطني الشجاعة لتغيير ما يجب تغييره
وأعطني السكينة لقبول ما لا يمكن تغييره
وأعطني الحكمة للتمييز بين هذا وذاك

**أحسان في
أحسان الأوطان**

ولسه الطريق

ولسه الطريق يا بلادنا
أدامنا طويل
ما انتهاش بثورة يناير
ثورة التحرير
لسه فيه ثورة تعمير
بلدنا محتاجة مننا
لتكاتف الكل
الصغير قبل الكبير
ولسه الطريق يا بلادنا
أدامنا طويل
ما انتهاش بثورة يناير
ثورة التحرير
لسه فيه ثورة تعمير
بلدنا محتاجة مننا مسلم ومسيحي
نشغل ونبنى ونعمر بضمير
بلدنا عندنا بالدنيا
ومنانا نشوفها أحلى من كده بكتير

* * *

قوم يا شعب

اللّٰه اكبر عليك يا شعب

واده اعظم سلاح

اللّٰه اكبر على ثورتك

جهد وعزم وكفاح

صحييت ضميرك

وويك زادت همتك

حي حي على الفلاح

قوم يا شعب وانهض

كامل جهادك

الظلم راح

والحق ظهر وبان ولاح

حي حي على الفلاح

مفيش بعد ثورتك

سكوت تانى

ولا فيه غير العمل ولا فيه غير الكفاح

قولت خلاص يا شعب كلمتك

وبددت الظلام

اللى كان سارق منك فرحتك

أنهض يا شعب وكامل ثورتك

انهض يا شعب وكمّل ثورتك
شمس بكره أهى ظهرت من جديد
واللى انكسر اتصلح
والحياة من تانى أهى رجعت ليك
الله أكبر عليك يا شعب
وده أعظم سلاح
الله أكبر على ثورتك
جهد وعزم وكفاح

* * *

ميه ميه

ميه ميه بلدنا ميه ميه
هيه هيه أحلى بلد فى الدنيا ديه
عروسة حلوه وحلاوتها ربانية
وكل دا من حسن النيه
ميه ميه بلدنا ميه ميه
هيه هيه جنة الأمه العربيه
نعمة من السماء
يامشاً الله عليها
نور منور على كل اللى حواليتها
وحافظها ربنا
وناصرها على كل اللى يعاديتها
ميه ميه بلدنا ميه ميه
هيه هيه أغلى بلد فى الدنيا ديه
ساطع علمها وكايده عزالها
وكفايه ربنا قدرها
وفى القرآن ذكرها
بتاج الراس
اللى على إيديها
اتعلمت الدنيا الإخلاص وحب الناس
ميه ميه بلدنا ميه ميه
هيه هيه أحلى بلد فى الدنيا ديه

* * *

أحلم بإيه

بتقولى احلم .. أحلم بإيه

أحلم بحلم يحلى

لو بلدى بقيت أحلى وأحلى

هوه فيه بعد الحلم ده إيه

مفيش حلم تانى زى الحلم ده يابيه

بلدنا فى إيد ربنا

وهوه وحده عالم بنا

وبندعيلها من قلبنا

يرفع عنها الشر

من صدور المسؤولين

اللى واكلنها مننا

ومضيعين حياتنا وعمرنا

يارب اقبل دعوتنا

وبارك يارب فى بلدنا حبيبتنا

وحبيبة قلبنا

* * *

مفیش سلام ولا کلام

مفیش سلام ولا کلام

اليهود ما عندهومش أمان مفیش کلام

اللى بيحصل فى فلسطين مش محتاج لكلام

فى فلسطين الطفل حيران

بيدور عن مكان

ليه بقى نقول ياناس فيه سلام

وفى فلسطين الناس آخر توهان

مفیش سلام ولا کلام

اليهود ما عندهومش أمان

آه منهم ومن كتر عمايلهم

خلوا العالم كله يدينهم

كل قرارتهم بتيجى عكسيه

وما عندهومش ضمير ولا مصداقيه

دا علاوه على خططهم الجهنميه

كلها ألعيب صهيونيه

مفهاش أى إنسانيه

وهدفها تملئ الخراب والدمار

مفیش سلام ولا کلام

اليهود ما عندهومش أمان
ياما فانت على بلادنا أيام
شافت أعمال من المحتل الجبان
كلها أعمال آخر جنان
وطعمها آخر مرار
إزاي بقى نقول يا ناس فيه سلام
دا كلام والله محال
ما تتكلموش بقى عن السلام
وتعيشونا فى الأوهام
مفيش سلام ولا كلام
اليهود ما عندهومش أمان

* * *

يارب تعدى على خير

يارب تعدى بلدنا على خير

وثرورة يناير تسفرلنا عن خير

وتجبيلنا نظام تانى جدع

يشعر زايينا بالوجع

يارب تعدى على خير

ومصر بلدنا تبقي حاجه تانيه

تبقي بدايه جديده قويه ودايمه

لحياتنا ولحياه اولادنا

وأجبالنا الجايه

يارب تعدى بلدنا على خير

وثرورة يناير تسفر عن خير

وتجبيلنا نظام جدع يملى العين

لجل تلبس بلدنا ثوب الأمان

أصل بلدنا بقالها سنين شايفه العذاب ألوان

يارب تعدى على خير

وثرورة يناير تسفر عن خير

* * *

مصراويين

مصراويين إحنا مصراويين
بنحب تراب بلدنا
وتملى بيها عاشقين مفتخرين
من يوم ماربنا خلقنا
وإحنا فى بلدنا مرتاحين
وبيها متعلقين وفرحانين
وبنحلم طول عمرنا
نبنى ونعمر ونشارك
أقباط وياً مسلمين
وعشانها نحارب اللى يحاربنا
مهما كان هوه مين
هيا عندنا بالدنيا وبالعالم أجمعين
مصراويين إحنا مصراويين
وعد مكتوب نعشقها
طول العمر وطول السنين

* * *

والله تستاهل مصر بلدنا

والله تستاهل مصر بلدنا غرامنا وحبنا

والله تستاهل إخلاصنا كلنا

ياما شقيبت وتعبت كتير لجلنا

وصبرت عشان تفرح شعبنا

والله تستاهل مصر غرامنا وحبنا

والله تستاهل نضحى ونديها من روحنا وعمرنا

ياما وقفت قصاد عدونا

مش هاممها غير حاجه واحده

حماية حدودنا وأرضنا

واحنا بيها فرحانين وبنحلقلها وبنقول

طريقنا من النهارده يا بلادنا

صحراوى على طول

مفهوش إشارات ولا راحه

والكفاح هوه اللى هيكون

ومهما عانينا أو قاسينا

كله عشانك يامصرنا يهون

دا احنا مُنانا نشوفك فى أعلى مكانه

ولا حدش أبداً يبقى أدنا ولا زينا

والله تستاهل مصر بلدنا غرامنا وحبنا

والله تستاهل إخلاصنا كلنا

* * *

وحدويين

وحدويين إحنا المصريين
وحدويين وحدويين
مفيش بينا فواصل ولا حدود
وفى حياتنا مسلم وقبطى
ويا بعض عايشين مرتاحين
وحدويين إحنا المصريين وحدويين
وفى حب الوطن مسالمين
وحدويين إحنا المصريين وحدويين
كلنا مصريين علمنا واحد
مهما اختلفنا فى العقيدة والدين
حبنا لبلدنا واحد
زى إيماننا بربنا الواحد
وحدويين إحنا المصريين وحدويين
كلنا مسلم وقبطى متوحدين
وعلى حب بلدنا متعاهدين
ومستمرين على كده ليوم الحساب والدين

* * *

دق يا قلبى

دق يا قلبى دق
حس وغنى ورق
حب فى لحظة صدق
واوعى تقول أبدا لق
قول واظهر وبان
قول على كل اللى كان
أنا زى ما أنا بحب وطنى
وأحبه يعيش فى أمان
بس الصهاينه ملهوش أمان
وبيساومونا تملى ع السلام
وبيهاجموا كل شويه القدس والجولان
وأنا فى نفسى وعلى لسانى سؤال
إيه ذنب اللى ماتوا ودمهم سال
حد يجاوبنى من غير فصال
عاوزين لوطنا السلام
عايزين نعيش فى أمان

من غير خراب أو دمار
أو موت أطفال صغار
عاوزين حضاره عاوزين عمار
وشمس صافيه وبيوت أمان
من غير مدافع ولا قنابل ولا دخان

* * *

مغرمين يا مصر بيكى

مين ده يا مصر اللى يقدر ينساقى
أنتى الغاليه وكلنا فداكى
بنهديكى يا مصر أغلى سلام
وعندنا ليكى أحلى كلام
أنتى اللى كلك يامصر أمان وسلام
وجوه عيونك ياغاليه راح ننام
إحنا يا مصر مغرمين بيكى
وحبنا قدر مكتوب علينا
وبأمر المولى هيدوم على طول ليكى
مين ده يا مصر اللى يقدر ينساقى
مين يا مصر وإحنا اللى عايشين على ذكراكي
ننشد ونغنى مواويل فى هواكى
مين يا مصر ده اللى يقدر ينساقى

* * *

بلدنا وبنحبها

بلدنا وبنحبها
هيا اللي إحنا بنحبها
نادر في الدنيا
يبقى في زيبها
معروفه تملى بفضلها
على الناس والدنيا كلها
بلدنا وبنحبها
هيا اللي إحنا بنحبها
ومرتاحين وعائشين جنبها
وعاشقين علمها واسمها
ومنقدرش نعيش أبدًا بعيد عنها
قلوبنا تملى على قلبها
اكنى بنحبها
وشغلانا قوى بحنان وعطف قلبها
والخير اللي عندنا كله من عندها
هيا اللي بنحبها
بلدنا وإحنا بنحبها

* * *

ياويلنا ياعارنا

ياويلنا ياعارنا
علينا وعلى أحوالنا
ياويلنا ياعارنا
لما نسيب الفساد
ينخر كده فى عظامنا
لحد ما ياكل فى جدارنا
وإحنا عايشين فى وطننا
مش عارفين نعمل إيه وبياه
ياويلنا ياعارنا
علينا وعلى أحوالنا
لما نسيب الظلم يحوط على أفكارنا
وتضيع معاه كل أعمالنا
وإحنا ياناس السبب فى كل اللى جرالنا
مش عارفين بعض
مش قادرين نفهم بعض
مش عارفين ولا قادرين نحب بعض
ياويلنا ياعارنا
ياويلنا ياعارنا

* * *

متحملين

متحملين إحنا المصريين
متحملين غباوة الإسرائيليين
متحملين وصابرين
عشان إحنا المصريين
أصحاب مبادئ وقيم ومحترمين
عمرنا ما بدأنا معاهم بعداوه
وتملى هم ليانا مستفزين
متحملين إحنا المصريين
متحملين غباوة الإسرائيليين
متحملين مئات السنين
ضربونا فى سبعة وستين
وردينا اعتبارنا فى ثلاثة وسبعين
ولولا كده مكناش أبدا نكون مرتاحين
متحملين إحنا المصريين
متحملين غباوة الإسرائيليين

* * *

يا بختك يا شهيد

يا بختك يا شهيد
ويا بختك يا أم الشهيد
يا بختك يا شهيد
على بعد خطوة من الجنة
إحنا شايفينك كده أدامنا
مش ناقصك حاجة
غير كفنك يدوبك يجهز
وبعديها تلاقى نفسك فى الجنة
ويا بخت كل اللى زيك
يا بختك يا شهيد
وعقبال لما نبقى زيك
ونفوز بالجنة ونتهنى
وانتى يا ام الشهيد ما تزعلش
ابنك فى الجنة ماتخافيش
اصبرى إنتى بس على المكتوب
انتى أدها وأدود
وربنا هيصبرك أكيد
إنتى لو صبرتى

هاتدخلى الجنة يوم الخلود
يا بختك يا أم الشهيد
ويا بخت ابنك الشهيد
يا بختكم هاتتمحى منكم كل الذنوب
وهادخلوا الجنة يوم الخلود

* * *

كفانا مليونيات

من النهارده كفانا بقى مليونيات
من النهارده عايزين نقول للمليونيات سلام
وندى لشغلنا كل اهتمام
بلدنا مش متحملة تلت التلاتة كام
والمليونات هترجعنا لورا ومش هاتدفعنا أبدا لأدام
بس إحنا مش عايزين نستعجل نهضة بلدنا
بلدنا محتاجة لصبر وعزيمة كل واحد مننا
هوه ده اللي يرفع من شأننا
فبالصبر وحده بعد العزيمة والعمل
يعلى بلدنا ويعيشنا ع الأمل
من النهارده كفانا بقى مليونيات
مش عايزين نستعجل نهضة بلدنا
الاستعجال هيصيبنا باليأس والشلل
وهايخلينا ندمر فى بلدنا حبيبة قلبنا
الاستعجال ياولاد بلادنا
زبه زى النوايا السيئة
مايعليش أبدا ولايرفع من شأننا

* * *

عشق الضنى

عشق الضنى والله غالى
وبلدنا عشانا
مضحيه بكل غالى
وضربه المثل فى كدة
ولا فيش زيهها بلد تانى
هيا علينا حنينة
ضمانا وحضانانا كلنا
وواقفه معانا وجنبنا
وعشانا كتير متحملة
واحنا شايفين وشاهدين بكل ده
وعشان كدة معدناش فى الدنيا
حد غيرها بعد ربنا
ومهما نعيش نوفى جمائلها
ما نقدرش نوفيها
ولوضحينا بروحنا وعمرنا
هيه من يومها واقفه معانا وجنبنا
وضمانا وحضانانا كلنا
واحنا عشانها نتحمل مهما حصلنا
ولو نشوف فى الدنيا مهما نشوف
يهون كله عشان مصرنا

* * *

قلنا لكوا

قلنا لكوا سديتوا ودانكم

زى ما نكون بنأدن فى مالطة

ولا حد راضى ياخذ الكلام بجد

مع أن الشر بيمرط فينا

وطايح مش عايز يتهد

قلنالكوا القضية مش قضية أقباط ومسلمين

القضية ضرب مصر الحضارة والتاريخ

ولو خلينا بالننا

مش هاينجح الإرهاب الأسود يفرقنا

قلنالكوا يا أهل بلدنا

الظلم غطى وفاق الحد

والإرهاب الأسود مش سايب حد

والعيشة كل مدى عماله تسود

معقولة بعد كل ده

راح نسكت ونحط الإيد على الخد

دى القطة لو نلمس دي لها

خربوشها لازم راح يتمد

وانتو قلنالكوا سديتو ودانكوا

زى ما نكون بنأدن فى مالطة
ولا حد راضى ياخذ الكلام بجد
ولو فيه عقول ومسئولين واعيين بجد
لكانت بلدنا حاجة تانية
لكن سدیتوا ودانكم لما جینالكم وقلنالكم
* * *

الله عليك يا وطن

الله عليك يا وطن يا أحلى الأوطان
تعيش وتسلم ونشوفك فى أعلى مكان
أنت اللى معيشنا فى أمان
وحامينا من غدر الزمان
ولو تطلب يا وطن مننا
أو تاخذ روحنا وعمرنا
دة يبقى شىء قليل
وما يوفيش بجمالك علينا
دا أنت أغلى الأوطان
وتراك أغلى تراب
مستحيل نبعد عنك أو فى يوم ننساك
الله عليك يا وطن يا رمز الأوطان
انت اللى رديت حقنا وهزمت الأعداء
وبنيت ولادك العظماء وخلتهم أمراء
ع الأرض ويوم العرض وفى السماء
تسلم لينا يا وطن وتسلم لولادك الأبرار
واحنا بنعاهدك وبنقولك
ماشيين على خطاك

إيد ويا إيد
نشارك فى النهضه معاك
الله عليك ياوطن
يا أحلى الأوطان

* * *

أحلى وأغلى الأوطان

سبعة فى واحد بسبع تيام
وأنا قلبى عنك يا وطن عمره ما نام
ولا أنشغل عنك أى انشغال
انت أحلى وأغلى الاوطان
ولافيش زيك أبدا فى أى مكان
أنت فجر الوجود
وفى الوصف ملكش حدود
ايمانك كبير ومشهود
وفى الخير ملكش مثيل
وكل البلاد شايلالك الجميل
سبعة فى واحد بسبع تيام
وأنا قلبى عندك يا وطن عمره ما نام
ولا أنشغل عنك أى انشغال
أنت الأمال وكل الأحلام
وحضن دافىء ع الدوام
وحامينا من غدر الايام
وبيك انا مسنود
ويفتخر بيك وطن كبير وعظيم
محروس دايمًا بإذن الله
محروس بقوة الاله

* * *

بلدنا بتعيش التغيير

بلدنا الله عليها بتعيش التغيير

والحب بيصنع المستحيل

بلدنا ياما عانت وشافت ظلم كبير

وربنا فرجها علينا بثورة كبيرة

سمناها بثورة التغيير

وأدينا بنعيشها بالتعمير

ياما بلدنا عانت كثير و كثير

ياما قطعوا و انتفوا فى ريشها

مسئولين نهبوا كثير

والنهارده بتعيش بلدنا التغيير

وبنكشف كل ظالم حقيق

ظلم قبل الثورة الناس الطيبين

و ادى الثورة بتكشفلنا

كل يوم أد ايه كان الظلم

حاقد وحاسد وحقير

عيشنا على شويه ماليم

وهم كانوا بيكنزوا الملايين

بلدنا الله عليها بتعيش التغيير

والحب بيصنع المستحيل

* * *

أم الخلود

يا مصر يا أم الخلود
إحنا ولادك شبابك
ندافع عنك ونقاتل زى الأسود
ما أنتى يا مصر أرضنا وحته مننا
ورحنا وحياتنا كلنا
وعشانك نفديكى بعمرنا
يا مصر يا أم الخلود
صوتك لينا ندا نشفى جراحك يوم الفدى
و ثورة التحرير شاهده علينا
يوم ٢٥ يناير ثورنا ع النظام البائد
وأسقطناه كلنا وردينا منه حقنا
يا مصر يا أم الخلود
دا عنوان حاطينه جوه قلبنا
حالفين للى يقرب لنا
ندافع ونذود عنك بروحنا وعمرنا

* * *

بعشق بلادى

ولا بحب ولا بعشق الا بلادى

هيا اللى بحبها بكل إحساسى وبكل فؤادى

هيا عندى زى شمعة منوره أدامى

ومهما أتعب أو أشقى وأعانى

ما أستغناش عنها طول حياتى وأيامى

ولا بحب ولا بعشق غير بلادى

هيا عندى أحلى الأوطان

برسمها تملى فوق الجبين

هيا نور العين

وبرسمها فوق الحيطان

هيا أغلى وأعز مكان

ولا بحب ولا بعشق سوى بلادى

هيا اللى بعشق تراب أرضها

وبكتب فى كل طريق أسمها

وع الكتب وع الجريد

وف الأغانى والانشيد

وفى كل شئ أنا بيها بشيد

ولا بحب ولا بعشق الا بلادى

* * *

أم الثورات

يا اهلاً با أم الثورات فى عيد الميلاد

مين بقى يشارك فى الاحتفال

بثورة ٢٥ يناير الى عدى و فات

والى جاى فى كل السنوات

يا أهلاً با أم الثورات فى عيد الميلاد

مين بقى يشارك معارضة واللا أحزاب

رجال ونساء وشيوخ وشباب

مين ها يساهم من اصحاب العقول والألباب

مين يفرح الشهيد الى مات

ونقوله حلمنا فى بلدنا وارضنا

أهو ظهر وبان وعمره ما يتنسى

مهما مرت عليه سنوات وسنوات

وكله بفضل ربنا وعقولنا الذكية

قفلنا ع النظام البائد اللى فات

كل باب وباب

ولا ها نسمح تانى يرجع مهما كان

يا أهلاً بأم الثورات فى عيد الميلاد

* * *

هيا اللى حبيبتنا

مفيش فى القلوب غير مصر بلادنا
هيا اللى حبيبتنا وحببية ولادنا
وعملين على كده طول حياتنا
وفى كل اوقاتنا
ماهيا بلدنا ووطنا
نحلم ونتمنى يعيش تملى فى الجنه
مفيش فى القلوب غير مصر بلادنا
هيا اللى علينا غاليه
وعايزينها تنهض فى كل ثانيه
واللى عايزينه بس تشجعنا
نمشى على حبها بجهدنا وعملنا
مفيش فى القلوب غير مصر بلدنا
هيا اللى عايزين نبني ونعمر فيها
لجل نعيش كلنا فى الخير على اراضيها
مفيش فى القلوب غير مصر بلدنا
هيا اللى حبيبتنا وحببية ولادنا

* * *

فوق الكل

فوق الكل يا مصر

فوق الكل

الشعب بارادته فوق الكل

فوق الفساد والذل

الله أكبر الله وأكبر

الشعب بارادته أكبر

فوق الكل وأكبر

والدنيا عليه بتطل

هوه اللي زى الفل

ملك الزمام ع النظام

اللى عيشنا سنين فى توهان

وكلمة كنا اللي كان بيردها ويقولها

النهارده بعد الثورة

خلاص مبقاش يقولها

وبدلها بغيرها ومبقاش يقولها

فوق الكل يا مصر

فوق الكل

* * *

خلوا بالكم

خلوا بالكم يا شبابتنا
من المرشحين اللي هايحكموا شعبنا
خلوا بالكم من اللي عايزين يعكروا دمننا
ويوصلوا على حساب حلمنا
خلوا بالكم يا شعبنا
من المرشحين اللي بيتكلموا
وعايزين يوصلوا لحكمننا
ومش هايعملوا حاجة
وها يضيعوا مصالحنا وحلمنا
بلدنا عايزة ناس عمليين
عندهم تجربة وخبرة رائدة
ولازم تكون أمانة عندنا
فيه خط فاصل في رمالنا وأرضنا
وعلينا ندقق ونختار حكمانا اللي هايحكموا شعبنا
واللي ما يعرفشى يسأل أصحاب التجربة قبلنا
خلوا بالكم يا شعبنا
من المرشحين اللي ها يحكموا بلدنا
خلوا بالكم من بلدنا قلبنا وحبنا

* * *

بنحبك للأبد

يا مصر بنحبك للأبد
بنحبك يا مصر وبنعبد ترابك للأمد
إحنا ولادك حابينك من قلبنا
وعايزين نديكى أغلى ما عندنا
نديكى روحنا وعمرنا
واحنا على وعدنا وعلى عهدنا
يا مصر بنحبك للأبد
انتى الوطن والارض والأهل والولد
وياما عطاتينا وساعدتينا
لحد ما بقيت حياتنا جميلة
ولو تطلبى يا بلدنا عنينا
نديهم ليكى هديه
ومهما نحكى إحنا أو نقول
ها تفضلى يا مصر ع العين والرأس
أنتى الأهل وكل الناس
يا مصر بنحبك للأبد
بنحبك يا مصر وبنعبد ترابك للأمد

* * *

ليوم القيامة

ليوم القيامة

شعب مصر هايفضل أحسن علامة

معروف دوما بالكرامة والشهامة

ومهما الطريق عليه ضاق

بيرجع ثانى بالكفاح والامل والاراده

ليوم القيامة

هيفضل شعب مصر بلد الشباب الغالى

واللى عشانه يقاتل ويضحى

مهما كان الثمن غالى

ليوم القيامة

شعب مصر هايفضل أحسن علامة

ومن غير بلده مفيش شىء يهمه تانى

هيا اللى عليها قلبه يتحرق

لوحد عليها جار أو خد منها حاجة

بعداوه أو بقتساوه

* * *

بعد الثورة

زى الدنيا ما اتغيرت
بلدنا الله عليها بعد الثورة اتطورت
وهاتمشى ويا الصهاينه والامريكان
بنظام مغاير لنظام زمان
نظام جديد وفريد
صارم وزى الحديد
زى الدنيا ما اتغيرت
بلدنا الله عليها بعد الثورة اتطورت
وهاتمشى ويا الدنيا بشكل جديد
واحد بوحده وند بند
محدث أبدا احسن من حد
يعنى اللى فى معاملته يجاوز الحد
هناخد حقنا منه بجد وننسى كمان الود
وحده بوحده وند بند
زى الدنيا ما اتغيرت
بلدنا الله عليها بعد الثورة اتطورت

* * *

میں زی بلدنا

میں زی بلدنا مصرنا

عندہ نیل کبیر زینا

شریان فیاض با لخير على أرضنا

وبنتنفس منه کلنا

میں زی بلادنا مصرنا

عندہ نیل کبیر زینا

یا بختنا وبخت شعبنا

ثروة قومیه لینا ولأهلنا

الکل یتھنی بسلسبیلہ

وادی أشجاره ونخيله

محوظة أرضنا

ومضله على حبننا

یارب أحفظه لینا

وأحمیه من عدونا

* * *

جلجات فى حفظ الدين

بلاش يا قلبى

بلاش يا قلبى تقول كلام وتمدح
ولا حتى لأى حد تسمح
مفيش فى الوجود
بعد رب الوجود
حد يا قلبى ليه تمدح
غير لتلاته هم بس
الى بيهم تقول يا قلبى وتسمح
النبي الرسول ودينه الهادى البشير
والوطن الفخور
غير دول يا قلبى
بلاش تمدح
ولا حتى تسمح

* * *

أحلى الكلام

أحلى الكلام أغنيه تتقال
عن النبي الأنسان
بعته ربنا ليانا وقال
رسول عظيم
وخاتم الأنبياء وخاتم المرسلين
اسجدوا لى وصلوا عليه يا مؤمنين
المجد ليه و لأتباعه
طول الحياه وطول السنين
أحلى الكلام أغنية تتقال
عن النبي العدنان
بندوب فيه محبة وحنين
عطانا الأمان وبعدنا عن الظلام
بتعاليم الدين وتعاليم الإسلام

* * *

أقوى من الموت

أقوى من الموت
ذكرى نبينا الغالى
إحنا أنصاره وبنعشقه موت
تبارك الله فيه رغم الموت
عايش فينا طوالى
هوه زعيمنا وهوه قائدنا
ومفيش غيره حد تانى
تفنى الحياه
ورسالته باقية مدى الحياة
عايشة وخالده فينا
بمعجزاتها اللى نورت الدنيا علينا
أقوى من الموت
ذكرى النبى الغالى
تبارك الله رغم الموت
بنعيش العمر نحبه حب روحانى
ويحللنا كل عام نزوره
مهما كلفنا التمن غالى

ماهوه مفيش عندنا أغلى منه فى الدنيا أدى
وعشانه يهون كل شىء عشانه
لا تجارة ولا مال ولا زوجة ولا أولاد
أغلى عندنا من النبى الغالى

* * *

٣٠ ليلة و ٣٠ يوم

٣٠ ليله و ٣٠ يوم
والمصريين فى رمضان
ما بيجلهومش نوم
ليل ونهار يا ما شا الله عليهم
متجمعين وبعضيهم مهنيين
وبالقرآن والصوم متعبدين
٣٠ ليلة و ٣٠ يوم
والمصريين فى رمضان كبار وصغار
بالنور والزينة منورين
وع الفطار متجمعين
كاسرين صيامهم بالبلح وقمر الدين
وموزعين طعامهم
ع الفقرا والمساكين
٣٠ ليله و ٣٠ يوم
والمصريين فى رمضان
ما بيجلهومش نوم

* * *

إلا حضرة النبي

إلا حضرة النبي الرسول

الإساءة ليه كبيرة قوى

وملهاش أصول

وأنت يا اللى بتسب الرسول

حرام عليك لسانك

اللى بتنطق بيه كلام وبتقول

على حضرة الرسول

كلامك كله غلط

ومهوش مفهوم ولا معقول

ليه تفنن فى الكلام وتقعده تقول

وتضرب بيه أغلى رسول

إلا حضرة الرسول

الإساءة ليه كبيرة قوى

وملهاش أصول

وانت يا اللى بتسب وكل شويه عليه تقول

كلامك كله شرك

ومحدث فى الدنيا عليه يعول

اصل كلامك كله نتش زى خرده الحديد

مفتت فى الهوا ماينفعش ولا يفيد
وقلوب الكل منك زعلانين وعليك بتقول
أحفظ لسانك مع حضرة الرسول
لحسن تندم على كل اللى بيه بتقول

* * *

صحى النوم

صحى النوم يامسلم
أنت فى شهر الصيام
شهر كله توبة وغفران
وبهجة ونصران
صحى النوم يامسلم
وأوعى تفوتك أحلى أيام رمضان
من غير ما تقرا القران
أو تعمل الخير لأخوك الغلبان
صحى النوم يامسلم
واقوم واشكر من قلبك الرحمان
وأدعيه ياخذ بإيدك
ويغرس فيك حب الخير والايمان

* * *

يارب سامحنى

يارب سامحنى
ومتسلطش عليا انسان يجرحنى
أناعنيه من الظلمة مليانه دموع
وقلبى بين الضلوع
نبضه محبوس مخنوق
محتاجله يارب فرحة
عشان يهفهف ويلين ويفوق
يارب سامحنى
ومتسلطش عليا انسان يجرحنى
القلب بين الضلوع حيران مرهق
ومش قادر أبدا يفوق
ولا لاقى حد يواسيه
ولا لاقى حد من الحنان يسقيه
ولوكان فرحان لبات يارب يغنى
لكنه حزين شدوه انيين
يارب سامحنى
ومتسلطش عليا انسان يجرحنى
أناقلبى عايش كتير حزنان مكبوت

ولازم يارب للمكبوت
من فيضان عشان يفوق
وانا جاهدت وشقيت كتير
ومنايا افرح بجهدى ولو بشيء قليل
بشكيلك يارب من اللى ظلمونى
أشوف فيهم يوم
ترتاح فيها ظنونى وكل همومى

* * *

صحبة النبي

صحبة النبي الأمين يارب حققها لى
أنا عشت طول عمر السنين
على حب النبي الطاهر
وعلى خطاه ماشى وسایر
ولافيش شئ یمنعنى مهما كان ادا مى
ومهما شفت متاعب وظلم كتیر
راضى يارب وساكت
مطمئن انك كريم ورحيم
وها تنصر فى الدنيا كل مظلوم
صحبة النبي الأمين يوم القيامة
يارب وفقنى واكتبها لى
انا عانيت وشفيت فى الدنيا ياما
ومش عايز منها حاجة
وكفاية الصحبة ويا النبي الغالى
يارب يارب حققها لى

* * *

دانت ليا الدنيا

دانت ليا الدنيا ياقلبي من تانى
وجانى الفرج خلاص وملانى
لما نور النبى شفته فى منامى
جانى جانى سلامة
جانى حضرة النبى وحياتى
قولت لنفسى دوبينى دوب يا نبى
دوبينى فى غرامك ياغالى
دا أنا نفسى أتوب وازور
ولو مره واحده فى حياتى وأيامى
دا انت ليا الدنيا ياقلبي
أفرح وغنى وعيش متهنى
داجانى النبى وجانى سلامة
افرح ياقلبي
وغنى وعيش متهنى
دا النبى الغالى صادق فى كلامه
وكل مؤمن بيه يا هنياله
صلوا ع النبى ياناس
وإخلصوا عشانه

* * *

أشوف فيكم يوم

أشوف فيكم يوم
ياللى اعتديتوا ع الرسول بالكوم
كل شويه تحاربوه
وبالكلام الجارح ترموه
وهو الى نظم ليينا وليكم كل الكون
أشوف فيكم يوم
ياللى اعتديتوا ع الرسول بالكوم
قولتوا عليه كلام خارج
وهو الرسول الغالى
ومقامه عندنا على
أشوف فيكم يوم
ياللى اعتديتوا ع الرسول بالكوم
وقلتوا عليه كلام أسوأ ما فى الكون
وهو اللى جه ليينا وليكم
برسالة خالده ليوم الدين
أشوف فيكم يوم
ياللى اعتديتوا ع الرسول بالكوم

* * *

فى القلوب

فى القلوب
حبك يا نبى فى القلوب
حبك مكنون ومدفون
وبدموع العين الكل عاشق
وفيك الكل بيدوب
فى القلوب حبك يا نبى
فى القلوب حبك مكنون ومدفون
والكل بيمنى نفسه وبيقول
امتى ننول وصل الرسول
دا احنا فى حبك ببنبارك
ومنانا نحج ونزور
فى القلوب
حبك يانبى فى القلوب
حبك مكنون ومدفون
وبنعاتب كل اللى بيقول
بأن القمر يشبه الرسول
دا حسن القمر يادوب يوم
والرسول حسنه يا ناس بيدوم

* * *

لمة العيد

اللّٰه ع السعاده لما بين الأهل بتزید

مع لمة كل عيد

تّجمع الآهالی ایام ولیالی

یزور فیه الحبیب الحبیب

ویتقابل القریب بالبعید

فرحانین بلمة العید

اللّٰه ع السعاده لما بين الأهل بتزید

مع لمة العيد

یزور أبن العم عمه

وأبن الخال خاله

والكل یكون فرحان سعید

اللّٰه ع السعاده لما بين الآهل بتزید

مع لمة كل عيد

ویفرح كل حبیب بزیارة الحبیب

ویتقابل القریب بالبعید

والكل یبقى فرحان سعید

ویتمنوا لو العام كله یبقى عید

* * *

نويت أخبى

نويت أخبى أحزانى وآلامى

من الى سبوا نبينا الغالى

يفيدنى أيه إنينى

وفيدنى أيه أحزانى

والناس شايقة وعليهم شاهده

وبتدعى عليهم وع اللى قالوه

كلامهم كله مخبول

وملهوش أصول

نويت أخبى أحزانى وآلامى

من الى سبوا نبينا الغالى

ومش راح نسكت لازم يدفعوا الثمن غالى

وها نكتب ونقول وندعى عليهم طوالى

زى مادعوا ع النبى الغالى

وها نوريهم غرامنا بالنبى الأمين

وأن حبه عايش فى عقولنا وقلوبنا

مدى الحياة ومدى السنين

* * *

حُب الإنسان

وإيه اللي يرضى الرسول الإنسان
غير حب الانسان لأخوه الإنسان
ماهوه ده اللي يعيش الواحد منا فى أمان
وأيه غير كده يرفع شأن الوطن ويدفعنا لأدام
ما أحنا جربنا الفساد أشكال وألوان
ماجنناش منه غير القهر والتخلف والغليان
وأيه اللي يرضى الرسول الإنسان
غير الرجوع للاسلام
وحبنا لمولانا الديان
هوه ده اللي يوصلنا لبر الامان
ويرفع شأن الوطن
ويدفعنا لأدام

* * *

على الله

على الله على الله
المستقبل كله على الله
وأنت يا مجاهد
ما يهملكش لو الظالم كان عياب
وقفل فى وشك الباب
انت البطل وهو المزيّف الكداب
ما يهملكش يا مجاهد
طول ما أنت شغال شقيان
ومش كسلان
ربنا وحده عالم بيك
ومش ها ينساك
ما يهملكش يا مجاهد
المستقبل كله على الله
ولو متحققش هدفك النهارده
بكره بعون الله
ها يتحقق اللي انت بتتمناه
طول ما أنت عندك إصرار وعزيمة
بكره بعون الله
مش هينساك الاله

* * *

معزوف الكلام
فى اوقات الشدة والظلام

آه يا دنيا

آه يا دنيا من شدة الرياح
آه من راسي
اللى سكنها أشباح
أصحي وانام
مش عارف ارتاح
احلامى كلها راحت
سداح مداح
عذبونى الظلمة
دبحونى الخونة
وعاملونى كأنى سفاح
عيشونى فى وظيفة
تحت القهر المتاح
حبسو افكارى بالقفل
وضيعوا المفتاح
رمونى فى بحر أغرق أغرق
مع انى سباح
أه من راسي

اللى سكناها أشباح
ونفسى أشرح وأفصح
بس خايف لأضيع
من كتر الإفصاح

* * *

يالهُوى ع الدنيا

يالهُوى ع الدنيا لما تدى

بتدى الواحد من غير ما يدى

واللى بيدى

بتحرمه حتى من اللى عنده

يالهُوى ع الدنيا لما تدى

تدى للى مايستهلش وتلاقية كمان معدى

واللى يستاهل ياخسارة

بتتعبه ويمكن تهده

يالهُوى ع الدنيا لما تدى

بتدى الخاين وتوده

وكل ما يطلب حاجة

بتدهاله ويمكن تذودله

واللى بيخلص من ضميره

بتخاصمه وتسלט عليه

اللى بيعانده

يالهُوى ع الدنيا لما تدى

تدى لأبو واسطه

وتخليه من غير مايتعب يعدى
واللى بيجاهد ومش لاقى واسطه
بتضيع جهده وبتضيع جده
وتفضل تماطله وتعانده
يالهورى ع الدنيا لما تدى

* * *

على بختنا

الحظ ده يا قلبى

مش حظنا

دا حظ الظالم

الى معاند وواقف ضدنا

حظه الحلو أنه واخذ مكانه

وسهمه على علينا كلنا

واحنا يا قلبى يا عينى على بختنا

ربنا وقعنا معاه

ظالم وقاسى ومش بيحبنا

دبحنا وضيع حقنا

الله يجازيه ويعوض علينا

وعلى بختنا

* * *

الا أبدأً اللي يجرحنى

الا أبدأً اللي يجرحنى
عمرى يا ناس ما أرتحله
وحبيبي اللي كنت بحبه
لوع قلبى ودبحنى
مع أن كتير عاتبته
ويا ما يا ما سامحته
ولا فيش أبدأً مره حاسبته
أكمنى ساعتها كنت بحبه
وكنت راسم وياه أيام حلوه
لحد ما ضيع اللي بينا
من كتر عمايله وكتر كدبه
ومبقتش مشتاق لحبه
ولا بقتش خلاص برتحله ولا بوده
ومش عايز يا ناس تانى أروحله
ما هو البادى أساء ليا وجرحنى
ولو دلوقتى بأسى عليه
ما هوه البادى
وكان بأيديه

واديڻى عرفته وكشفت حقيقته
وعرفت كدبه وعرفت غشه
وهان الحب خلاص
ومعدش ينفع أروحه
ولا بقيت خلاص أحبه
الا ابدأ اللى يجرحنى
عمرى ياناس ما رتحله

* * *

سيبك يا قلبى

سيبك يا قلبى
من الناس اللى زمتها خربانه
دول مهما عليوا
ماعندهومش أمانة
اصل الأمانة
مش بعلو المكانه
ياما كتير ناس فى مراكز عالية
عايشه مجرمه وجبانه
بياكلوا فى حق الغلابة
والناس البسيطة التعبانة
دول مهما إتفتحتلهم الدنيا
هيفضلوا مجرمين بطبعهم
وبيبيعوا حتى أهلهم
عشان معندهمش أمانه ولا دين
سيبك يا قلبى
من الناس
اللى زمتها خربانه
دول مهما عليوا

ماعندهومش أمانه
إحنا مش معاهم ولا مع بلاويهم
لو يشوفوا الحق رايح لغيرهم
يعيشوا فى غليان
ومايناموش أيامهم ولا لياليهم
ربنا يقل منهم ومن اللى زاييهم

* * *

يا اه يا اه

يا اه يا اه

على قلبى وإحساسه الخافى

كل ما يقرب لحقه

بيلاقيه يبعد بعيد ويجافى

يا اه يا اه

من إحساسى الخافى

حقى اللى عايزه وبريده

المسئول متحكم فيه

وادا سبب حظى العاثر

مع أنه روحى

وبلسمى الشافى

يا اه يا اه

من إحساسى الخافى

حقى اللى عايزه وبريده

بحس انه تملى عنى عاصى

دواخلى فيه بتدوب

وقلبى عليه حزين

ومش مستقر ولا راسى

ما أنا ملهوف عليه
هو ده اللي مخليه بيهجر
ولا راضى ليا يوافى
يا اه يا اه
من إحساسى الخافى
حقى البعيد بخاف عليه
من الفراق القاسى
وحنينى ليه زى ما يكون
مش هانتلاقي انا وهو تانى
يا اه يا اه
من إحساسى الخافى

* * *

لسه بتخاف

لسه بتخاف يا ظالم
من عقاب ربنا
لما بتجيلك سيرته
هو أنت لسه شفت حاجه
يوم حساب ربنا
دا أحنا اللي مظلومين معاك
رافضين مجرد يضيع عمرنا
ونعيش ع الامل ويضيع جهدنا
وانت مش مراعى
ولا خايف حتى من عقاب ربنا
غير لما بتجيلك سيرته
وضميرك يأنبك
لسه بتخاف يا ظالم
من عقاب ربنا
لما بتجيلك سيرته
هو انت لسه شفت حاجه
يوم حساب ربنا
دا أنت ياما بالمواقع
بلتنا كلنا
والجمر فى المضاجع

هارتنا وسممتنا
بكره يوم الحساب
هاتشوف نصيبك من ربنا
لما تعرف بنفسك نهايتك
فى الدنيا والاخره

* * *

أنا مش سافل

أنا مش سافل يا دنيا

ولا فاجر ولا قبيح

دا الظلم اللي فيكى

هوه اللي فاجر

وهوه اللي قبيح وقبحه غائر

كتم على نفسى وخالانى جريح

صحانى ووطنى فى وش الريح

أنا مش سافل يادنيا

ولا فاجر ولا قبيح

دا الظلم اللي فيكى

قهقر حقى وظلم فيا

الله يخسفه

ويفضل طول عمره كسيح

زى ما خالانى أتكلم و أنطق

ولا ألف فصيح

* * *

حاسب يا حبيبي

حاسب يا حبيبي أوعى تنام
وتقول كل شيء مكتوب وتنام
الدنيا مش للقاعد ولا للكسلان
ولا للي ع مال يصلى ويصوم
وعايش ع التكلان
الدنيا عايزه المجاهد واللى يكافح
ولا يكونشى ابدأ هزلان
حاسب يا حبيبي أوعى تنام
وتقول كل شيء مكتوب
دى الحوجه تشيلك ذنوب
أصل الحوجه من غير عمل
موت بالرصاص على طول
فكر تلاقى ألفين مشروع
دا أحلى المكاسب لما تكون بالعرق والدموع
وتنول الحب والخير من كل الجموع
حاسب يا حبيبي أوعى تنام
وتقول كل شيء مكتوب
الدنيا عايزه النظام

واللى يجاهد من غير ما ينام
وبتدى قوى وتزود
للى مايفرطش فى بخته
وللى كمان يبكى لو جاعت قطة
أو يتجنن لو فشلت خطه
حاسب يا حبيبي أوعى تنام
وتقول كل شيء مكتوب وتنام

* * *

صاحب الجلالة

صاحب الجلالة فى الدنيا ادى
هو المال
محدث فى الدنيا يقدر عنه يستغنى
ولا عنه حد يقدر يغفل او ينام
حاكم بأمره ومالك القلوب وياه
ومهما جينا أو روحنا
عايشين علشانه إحنا
وحكمه علينا مكتوب عند الاله
يعنى مش بإيد حد يملكه على هواه
يبقى النهارده مع الواحد
وبكره مش معاه
وعلى كده ماشى المال مع كل الناس
صاحب الجلالة فى الدنيا ادى
هو المال
لما يبقى فى إيدينا بيهنيينا ويسعد لنا البال
ولو مجاش ولابقى فى إيدينا
بيخلينا نحتار ونتوه مع الأيام
ونفضل ندعى ربنا لو يغير لنا الاحوال
ويبقى معانا المال
صاحب الجلالة فى الدنيا ادى هو المال

* * *

قعدى يابدلتى

قعدى يابدلتى

أسكنى فى الشماعة وإتستتى

لحسن تكسرى

وتروح معاكى هيبنتى

أناعندى ميعاد

مع اللى مايتسموا اللى واقفين فى سكتى

وأناعايز أكون شيك

وأنيق فى مهمتى

لجل أعراف اكلهمم

وأكسب منهم قضيتى

* * *

عارفك قلبي

فيك يا حبيبي حبة غرور
وعارفك قلبي
وازاي أقدر عن حسه أمنعه
ومش ممكن يرضى يا حبيبي تخدعه
عشان تريحه بكلام
وبالوهم تعلقه
ولو كنت على كده ناوي
يبقى قول على نفسك الله يرحمك
وحبل الوصال احسنك تقطعه
لحسن يموت حبك وبالنار يمكن أولعه
قلبي عارف انه على أد الحال
وعارف قد إيه أنه شقيان وتعبان
وما يقدرش بعد كل ده
تعيشه ع الوهم والخيال
وتبكيه على مخدعه

* * *

تهون الشكوى

تهون الشكوى ويهون عمرى
ولا يضيع حقى
اللى بقلبى بجرى عليه
تهون الدموع ولولمت بغزاره عيونى
ولاشوف أملى يروح غصب عنى
وأفضل جريح طول عمرى
وأبكى بحرقة عليه
يهون عمرى وكل شئى عليا يهون
الا حقى مش ممكن ابدأ عليا يهون
دا هو أمالى
ومن غيره أعيش مظلوم
تهون الشكوى ويهون عمرى
ولا يمكن أصدق ان بيت العدل فى بلدنا
بقى يظلم وبقى يجور
ونشوف الحق فيه يطلب
يلاقى صاحبه يعانى الغطرسه
والظلم والجور والفلسفة
ولو بقى الوضع على كده

يبقى على مين بقى يارب على مين
نقول خلى العدل جنبنا
ونحطه فوق الجبين
دا أهل العدل نفسهم
طلعوا يارب تعبانين خاينيين
بيقتلوا ويظلموا فى المكافحين
تهون الشكوى ويهون عمرى
ولا يضيع حقى
اللى بقلبى يجرى عليه

يا خسارة ع الدنيا

يا خسارة ع الدنيا
وع الزمن اللي إحناعايشين فيه
طويل فيه العذاب طويل وتقبل
ما راح خلاص يا خسارة الزمن اللي كان جميل
ومبقاش فيه النهارده ناس طيبين
واللي فيه بس ناس مدلسين
مفلسين مزيفيين
عكننوا ع الواحد وضيعوا منه الحلم الجميل
ولو كان فى غيرهم ناس طيبين
مكنش أبدا يبقى فيه شئ مستحيل
لكن نعمل إيه مع الناس المزيفيين
الناس المجرمين اللي مش محترمين
بندعى عليهم يا خداهم ربنا
وبيدلنا بغيرهم بناس حلوه طيبه
تعمل بس لصالح ربنا
ولصالح البنأدميين والمجاهدين اللي زينا
* * *

آه ياليل يا قمر

أه ياليل يا قمر
العدل أهو هوه اللي فى الآخر انتصر
والحقد أتراجع وخلص انهزم وأنحسر
اه ياليل يا قمر
دوبت أنا ياناس فى العمل
شقيت وتعبت وزارع أمل
عشت أيام وليالي كلها فى هنا
فرحان قوى بالجهد والعمل
لكن عيون الحساد كانت أقسى من الحجر
شفت فيهم العجب والعجب
حرمونى من المكان والمنصب المنتظر
وتوهونى فى بحورهم سنين وسنين
وانا مش يائس وعائش على أمل
رافض الظلم واللف والحوط
لحد ما العدل فى يوم هوه اللي فى الآخر انتصر
واتراجع الحقد وخلص إنهزم
والليل إنجلي وراح وظهر القمر

* * *

نفسى يا دنيا

نفسى يا دنيا فى خبر يفرحنى
عايز العدل يرجعلى اللى راح منى ويرىحنى
انا من يومى فى الوظيفة زى مانا فى مطرحى
مفيش حاجة راضية تريحنى
ولا عن الوظيفة راضية حتى تزحزنى
وفى حياتى يا دنيا عقد
وناس مساعير بتقطع فىا
وبالسكاكين بتشرح فىا
مش عارف أوصل معاهم لجواب
يرىحنى او لمنصب يفرحنى
مع انى يا دنيا ماشى مستقيم
و محدش ماسك عليا كلام او ملام
ولا شىء فى الدنيا فاضحنى
نفسى يا دنيا فى خبر يفرحنى
عايز العدل يرجعلى اللى راح منى و يرىحنى

* * *

مين يقوله

مين فى الدنيا شاف زايى عذاب

مين شاف زايى إغتراب

كل ما اطلب حقى

يعطلة الظالم

ويقفل عليه ألف باب وباب

ليه ده كله مين يقوله

أتقى ربنا وأهتدي

ويطل الظلم والحرام ده كله

ليه ده كله

مين يقوله

والا هوه عشان ما فى مركز قوة

يدوس ويذل فى اللى أقل منه

ليه ده كله يا مين يقوله

دا القوى يذله الى أقوى منه

ومفيش يا ظالم أقوى من الى خالك وخالقنى

* * *

ندانا الحق

يا صلاة النبي علينا يا صلاة النبي علينا

حقنا رجعلنا لحد رجلينا

يا صلاة النبي علينا يا صلاة النبي علينا

ندانا الحق ندانا ولحد رجلينا جانا

واحنا اللي عشانه يا ما تعبت هوانا

واللي كان ظالمنا ربنا منه خلصنا

بعد ما كان ظالمنا وع الجرح مدوبنا

يا صلاة النبي علينا يا صلاة النبي علينا

ندانا الحق ندانا ولحد رجلينا جانا

وأدينا عدينا يا دنيا وفلحنا

وعلى احلامنا وفقنا ربنا وادينا إرتحنا

دا أحنا عمرنا وياه

وقلوبنا تملى معاه

ندانا الحق ندانا ولحد رجلينا جانا

* * *

نفسى آخذ حقى

نفسى يارب آخذ حقى فى بلدى

نفسى آخذ وضعى وأحقق أملى

وأعيش حياتى أنا وولدى

نفسى ياربى أعيش فى راحة بال

متهنى فى عملى

واخذ حقى الأدبى

الإهانة لآ لآ

مش فى بلدى

الإهانه لآ لآ

مش ليا ولا لولدى

نفسى يارب آخذ حقى

نفسى أتبوا مكانى

وأحقق أملى

أنا معرفش أعيش غير دوغرى

ولا أعرفش اضيع أبداً فى عمرى ولا فى وقتى

وملناش غيرك يارب تهيتلنا الاسباب

يارب ناس كتير زايى مستنيين

برحمتك تهون علينا وتفتحلنا الابواب

* * *

يا خسارة ع الزمن

يا خسارة يا ناس ع الزمن الجميل
راح فين وسابلنا زمن وحش رزبل
زمن فيه الواحد ما بيعرفش أبوه ولا أخوه
زمن يخلى الناس تخبص وتبكش
حتى على أقرب الناس ليه
وان مابكش الواحد فيهم يموت
او يعيش مضايق كانه ركبه عزرائيل
يا خسارة يا ناس ع الزمن الجميل
راح فين وسبلنا زمن لئيم وسخيف
زمن فيه الناس جهلة حتى فى الدين
و مبقناش عارفين نعمل ايه
مع الخطرين و الغشاشين
و عايشين للاسف فى الدنيا
متربعين و متحكمين
و غيرهم يا خسارة عايشين ضايعيين و مهمشين
يا خسارة يا ناس ع الزمن الجميل
راح و مبقناش من غيره مرتاحيين و لامتحملين
و بعضنا راضيين و ساكتيين

وبعضنا رافضين
و ناس تانية مستسلميين
ما هو زمن كله اشواك ومأثم و اباطيل
و اغلب اللي ماشى فيه
زى ما يكون متسلق جبل وعر
هو فيه أشبه بالإنسان الضرير
خطواته تملى مترنحة
مش عارف المزالق فين من الصخور
زمن لو كان فى قبضة الواحد
لرميناه فى النار أسفل السافلين
يا خسارة يا ناس ع الزمن الجميل
* * *

الدنيا بقت حقيرة

من يوم ما وعينا ع الدنيا
وفتحنا فيها عينينا
وإحنا عارفنها حاجة جميلة
ومنارة عظيمة
بس النهارده يا خسارة على الدنيا
بقت حاجة حقيرة
كل شىء حلو فيها مات
و منقثة فينا يا دوك السموم الدفينة
فلا العدل واضح
ولا الصبح جاى
ولا الحق راجع
يعنى كل شىء فيها مات
وبقت قبيحة بكل اللغات
واللى مباح فيها كل الموبقات
ومبقاش يجدى الزعل
ولا البكاء على الرفات

* * *

كلام المغرورين

الكلام الى بيقولوه المغرورين
كلام فيه نظر وفيه قولان
فيه تلت اربع ألوان
كلام خايب ومليان سرطان
راح يخلطوا بين العادل والمعدول
والغريب انهم بكلامهم راضين
وفى الحوار مرتاحين
وهم فى الأصل تعبانين
كلامهم كله مش مستقيم ومليان جدل عقيم
وملهوش لزوم ودمه ثقيل
الكلام اللي بيقولوه المغرورين
كلام فيه نظر فيه قولان
لينا الحق وعليهم اللوم
بان عليهم كتبوا نهايتهم باديهم
يستهلوا حتى النصيحة ما سمعوها ورفضوها
الكلام فيه نظر فيه قولان
الجهل فاح وبقي زى المارد
ساحق ساحق لأهل العلم والإيمان

زمن غريب يا خسارة عليه
وكذب يا حسرة عليه
وكله من الحبايب
والاغرب من الأخ والصديق والقريب
ونفسنا لجل بلدنا بقى نفوق وننسى الكلام المزوق
ونمشى كلام العقول
من غير ما نجادل
أو كل شوية ننازع ونتكلم كتير ونقول
نفسنا نبني ونعمر بلدنا
من غير ما نقول

* * *

يا نادغ الصبر

يا نادغ الصبر تحت الضرس

لأمتى تصبر كده وتجز

خضت المحال عند الأشرار

وخلوك عايش غريق محتار

لحد ما ضليت الطريق

وما بين شكك وبيقينك

روححت تراعى ضميرك

واتحليت بالصبر

يمكن اللى عايزه فى يوم يجيلك

يا نادغ الصبر تحت الضرس

لأمتى تصبر كده وتجز

حكم الكلاب عليك

يبقى الطريق ليهم

لصياحها لنباحها

تبقى المراكز المهمة ليهم

وياويلك لو أتكلمت على ظلم

أو شكوى عليهم

يا نادغ الصبر تحت الضرس

لأمتى تصبر كده وتجز
ألف شرح فى المرايا شفته
من اللى ما يتسموش
انهض بقى يا صاحبى بنفسك
وأفتح ليك سكك
غير سكة الى مايتسموش
وخليك مع الله
هو وحده ناصر المجتهدين

* * *

متعذبنیش

متعذبنیش یا ظالم أكثر من كده
بتعذبنى وتحيرنى كتير كده ليه
دا اللى أنت بتعمله
ما حدش يوافق أبدا عليه
تستغل سلطتك ومكانك كده ليه
وتضيع حقى بالشكل ده ليه
انت لو سئلت نفسك
لو كنت فى مكانى كنت ها تعمل ايه
حقى يا ظالم وبجرى عليه
ايه يزعلك أنت كده ليه
أنت ضميرك وحش ليه
ما تعذبنيش يا ظالم أكثر من كده
وارجع لضميرك
انت لو رجعتله هتلاقيه
مشفق وخايف كتير عليك
أصل المسئولية دى امانه
ويوم الحساب ها تسئل ادم ربنا عليه
ماتعذبنيش يا ظالم أكثر من كده

انا مبعرفش فى الهزار
وعلى كتفى شايلى الشغل ليل نهار
وأنت مش حاسس بكل ده
أعملك انا ايه
عايز اخذ مكانى
ايه يزعلك أنت ايه
أتقى أحسن ربنا
لحسن ياخذ كل الى فى ايديك
وفى الأخرة كله برضه ها تتحاسب عليه

* * *

يا خسارة على دا زمن

يا خسارة يا ناس على دا زمن

زمن قاسى وجبار

زمن ياولداه غدار

مقفل ع الواحد كل جدار

ومش عارفين فيه نختار

ولا عارفين ناخذ حتى أى قرار

يا خسارة يا ناس على دا زمن

زمن قاسى وجبار

زمن ممشى الواحد فى وسط الزحمة

ومنسينا الشوق و اللهفة

معيشنا فى دربكة وانتظار ومرار

ومش قادرين

لأمتى حتى نصدق ولأمتى نشوف الخائنين فى كل مكان

ازاى يعملوا فينا كده

وازاى ينسوا فينا أحلى الخصال

دا مكنش يخطر يا ناس ببال

يتغير الزمن فى لحظة حال

ويخلينا كلنا نبكى على أغلى موال

ما البعد والجفى يا خسارة
كان هوه فى فكرنا المحال
والغدر كان مجرد خيال
يا خسارة ياناس على دا زمن
زمن يا ناس غدار
مقفل علينا كل جدار

* * *

شفت يا قلبى

شفت يا قلبى
رزاله فى الدنيا اكرت من كده
ناس كتير شايبة
وواصلت فى مراكز عالية
بيحاربوا فى ناس تايهه
بيموتوهم لأخر ثانية
شفت يا قلبى
رزاله فى الدنيا اكرت من كدة
ناس كتير شايبة
ودماغهم للأسف فاضية
تبقى رجليهم والقبر فى ثانية
بيحاربوا فى ناس لسه طالعة
مين يصدق يا قلبى
ان فى الدنيا ناس بالشكل ده

* * *

ما تخفش يا قلبى

يا قلبى مالك كده زعلان
سرحان تملى ويا الأفكار
بتفكر خايف من الظالم ابن الحرام
ما تخفش يا قلبى
وأوعى تستسلم للظنون والأفكار
أفتكر تملى ان الدنيا أخبار
ويا ما علمتنا على طول الأزمان
ان بين الظنون والأمال
الفجر بينور والحقيقة تبان
وهو ده اللى يرحم يا قلبى أى أنسان
لما بيبان الحق وتنزاح الأوهام
القلب على طول يفرح ويتهنى
وينسى ليالى الأسى والخذلان

* * *

بعتب عليك يا دهر

بعتب عليك يا دهر
بعتب عليك من القهر
تسرقنى وانا الغلبان
تضيع حقى وانا الكسبان
بعتب عليك يا دهر
بعتب عليك من القهر
تسلط عليا شوية ظلمة
يقفلوا فى وشى الأبواب
ويحلفوا عليا بالعشرة
ان ماها أشوف ابدأ أى باب
يرجعلى حقى
ويريحنى من العذاب
بعتب عليك يا دهر
تسرقنى وأنا اللى كان الحق فى أيدي من زمان
وكنت الكسبان
بعتب عليك من العذاب
إزاي تمر عليا الأعوام
زى ما يكونوا كده شوية أيام
بعتب عليك يا دهر
بعتب عليك من الظلم والعذاب

* * *

هيه يدوبك نظرة

هيه يدوبك نظرة
خلتني أعيش فى أزمه
توهتنى وتاه معاها عقلى
حتى كلامى ضاع من لسانى
يوم ما شفت حبيبتى ادامى
أتصورت وقلت هيا نص عمرى التانى
بس يا خساره فرحة ما تمت
لما بعدت عن عينى وغابت
لقيت نفسى بشكى عذابى وحرمانى
أيام طويله بدور عليها
نفسى أشوفها من تانى
ولما شفتها لقيتها فى أحضان واحد تانى
خاب على طول ظنى
وقلت ياربى ليه يضيع حبنى
و ليه اشكى طول عمرى عذابى وحرمانى
أتربها يا خسارة كانت نظرة
خلتني أعيش فى ازمة

* * *

يا خسارة ع الشهادات

يا خسارة يا دنيا ع الشهادات
ما خلتناش فى الدنيا باهوات ولا بشوات
من يوم ما خدناها
واحنا بنلف السبع لفات
مش لاقين مسئولين
يحلولنا قضيتنا اللي بقالها سنين
سنين وسنين بندور على الذات
بنسأل عن العلم والكتب
بنلاقيهم متحوظين بالاسلاك والأشواك
يا رتنا ما كنا اتعلمنا يا ريت
وكنا بجهلنا بقينا باهوات وباشوات
ولا كنا جرينا ورا مسئولين معندهم مش أخلاق
طول النهار بنجاهد بقلبونا وعيننا وسنانا
والليل نفكر فى كل اللي جرالنا
ومش عارفين ليه المسئولين مضيعين مكانا
ومش عارفين ليه الزمن مسلط علينا
مسئولين حاقده وبصلنا
كل ما نيحى نطالب بمكانا واوضعنا
يحيرونا ويضيعوا كل اللي حايطينه فى خيالنا

* * *

مکنش العشم

مکنش العشم یا دنیا تخاصمینی
مکنش العشم تعذیبینی وتظلمینی
تعیشنی کده سنین علی نار وتبکینی
مکنش العشم یا دنیا تجرحینی
وبالنار تلهلبی قلبی وتکوینی
أضحک ودموعی تبقى علی عینی
عدت علیا سنین وانا بخدع قلبی واقول
بکره الدنيا هاتراضینی
أتارینی عایش علی الأوهام
ودموع مش فارقة ابدأ عینی
مکنش العشم یا دنیا تعذیبینی
من مکان لمکان تملی محوطانی
بعیون باصه علیا
وقلوب حاقدہ مطلعہ عینی
أهوی یا دنیا العلا
وعجزی مش قادر یهدینی
مش لاقی حد یساعدنی أو یاخذ بایدی
بینی وبین امالی قلوب خبیثة

خونونى و خانونى
وكل ده وانا مستنى الشمس تطلع
والحق فى يوم يرجعلى ويداوينى
وفضلت على كده ماشي
مش لاقى حد يجاوبنى ويرد ضعفى ويداوينى
مكنش العشم يا دنيا تظلمينى
مكنش العشم تخاصمينى

* * *

مسيرها بكره يا دنيا تتعدل

مسيرها بكره يا دنيا تتعدل

وويا الصبر الحال يتبدل

ونوصل بعون الله ونول

اللى كان صعب علينا ومكنش مأمول

صعب علينا يا دنيا

ومش بأيديا أعمل أيه

حقى اللى كان فى ايديا

ضاع وبدور عليه

واللى مضيعه مسئول ملاوع

لم شله حواليه

عطلوا حالى

لما شافوا حقى الغالى

ظاهر وواضح

ومفيش أى عيب عليه

ولما سلمتلهم قلبى

شافوا قلبى متشحتف عليه

كبرت فى دماغهم

وكل شويه يتسلوا عليه

منعوني أوصل ليهم
ومنعوا عنى حقى
ولو بكيت ادامهم بالدموع عليه
الله يلعن ابو الواسطة
واللى ماشيين فى الدنيا عليه
وربنا يجازى الظلمة
اللى هدموا حقى
وأستكترونى عليه
ظلمونى وظلمهم أثر فىا
ومليش غير ان أصبر
يمكن بكره يعدلها ربنا شويه
واللى يصبر مسيره يوصل
وينول الحق اللى كان بيجرى عليه

* * *

مش بایدی

مش بایدی یا قلبی

مش بایدی

أدفع الشر عنی

مش بایدی

اعمل ایه فی اللی ظلمنی

ظلم قبل منی ضمیره

وقال دا کل شی بایدی

یا رتینی ما کنت عرفته

ولا کنت قابلته

ولا کنش حلم حیاتی

ضاع بایدی

مش بایدی یا قلبی

مش بایدی

أدفع الشر عنی

مکنش فی شی بایدی

کل اللی قولته

طلبت حقی

وحسبته هایوفی بوعدہ

ویدینی حقی ونصیبی

اتاریه طلع خاین

ظلم قلبی

وقال کل شیء بایدی

مش بایدی یا قلبی

أدفع الشر عنی

مش بایدی

* * *

كان نفسى

كان نفسى من صغرى
أكون مسئول كبير
وجريت ورا حلمى
منايا أحققه ليل ونهار
قابلتنى مصاعب جمه
خلتنى يا ناس محتار
شفت وعشت مواقف شتى
وانا فى حيره ومرار
وكان السبب مسئول ظالم جبار
ساندوه مسئولين زمايله كتار
وفضلت صابر وصامد
مرتدى قفاز الصبر والإنتظار
وماشى صح بإستمرار
بس خايف عايش فى قلق
من شدة التيار
مش لا قى رحمة
ولا راحة بال من صغار وكبار
لحد ما فرجها عليا ربنا وبعثلى مسئولين عظام
حقوقى حلمى ومطلبى
اللى بحلم بيه ليل ونهار

* * *

يا عيني على صاحبي

يا عيني على صاحبي يا عيني عليه
لف الدنيا ومجناس غير تعب رجليه
يا عيني على صاحبي يا عيني عليه
لف يدور على قلب حنين
وملقاش حد يساعده
على حقه اللي بيجرى عليه
يا عيني على صاحبي يا عيني عليه
بردان وهو بمليون غطا
حران وهو في عز الشتا
من اللي ظالمينه ومزعلينه
كاسرينه في محنته
وحده ماشى من سراب لسراب
وكله من المسئولين الأغرأب
قافلين في وشه كل الأبواب
وهو محتار مش عارف أيه الأسباب
وبيسأل أمتى نتقدم
وكل واحد فينا يا خد حقة بالتمام
ومن غير ما ينطق بأى كلام

يا عينى على صاحبى يا عينى عليه
ما يستاهلش عذابه اللى هو فيه
يا ريته ما كان لف ولا كانت تعبت رجليه
ما خدش غير العذاب
والخداع من كل اللى حواليه
يا عينى على صاحبى يا عينى عليه

* * *

خوفنا يا سنين

خوفنا يا سنين
لتمرى كده
واحنا زى ما أحنا
عاشين زى الميتين
خوفنا لتمر سنين وإحنا قاعدين سنين
فى مكانا زى المساكين
واحنا اللي بنجاهد جهاد مرير
ولا شايقين حد يساعدنا
ولا ينشلنا من الى احنا فيه
خوفنا يا سنين
لنفضل زى ما احنا كده
مش لا قيين حد ياخذ بدراعنا اليمين
إحنا مبقاش عارفين
ليه بعملوا معانا كده المسئولين المختصين
وليه بيخبسوا بحقنا
واحنا اللي حابين عملنا
وفيه شقيانين وتعبانين
نشكيهم يا ناس لمين
الظالمين المغرورين

نشكِيهم لمين
واللا احنا فى زمن غير أمين
زمن فيه المخلصين ناس نادرين
والخائنين كتير ومش ساكتين

* * *

حلمك أدامك

حلمك أدامك

يا اللي عايز تحقق أحلامك

حلمك في قرآنك

إقراه وأفكر الموت أدامك

هو مستقبلك

هو أمالك

حلمك أدامك

يا اللي عايز تحقق أحلامك

اتعظ باللى تشوفه

في أهوال الناس أدامك

أنت لو أتعظت

ها تخاف تظلم في اعمالك

وتفوز بجنة ربنا

اللى وعدك وعملها علشانك

حلمك أدامك

يا اللي عايز تحقق احلامك

ممکن تصلى وتصوم

وتمشى بين الناس تسب وتتنرفز وتذووم

يبقى حلمك اللي كان أدامك
ضييعته بلسانك
وفى الأمثال قالوا
لسانك حسانك
لو سنته صانك
ولو ما سنتهوش هانك
وايه أكثر يا مسلم من أهانتك
إدام ربنا يوم حسابك
حلمك أدامك
ياللى عايز تحقق أحلامك

* * *

أنا وقلبي

انا وأنت يا قلبي
في الحب ضحيه
اللى حبناها
ما تستهلش فى الأصل أى حنيه
ضحت بيك يا قلبي وبيا
دوبتك ودوبتنى
من كنز الغدر والأسيه
ومهما أقولك يا قلبي
عليها من كلام
الكلام ما يقدرش يوصفلك
الكذب والغدر الى عشناه
وكله من الاعيبها الذكيه
أنا وأنت يا قلبي
في الحب ضحيه
اللى حبناها
ما تستهلش فى الأصل أى حنيه

* * *

فوقنى ياليل حبه

فوقنى ياليل حبه
نسينى الأوهام الجمّة
الله جميل الله محبه
وأنا نفسى أسعد وأفرح
وأتهنى لو شويه
دا الحزن شوكة فى الحلق تدبح
وأنا يا ما صوتى راح من كتر الصياح
على حقى اللى راح
لحد ما حرمت أقول
الحق خلاص فى يوم راجع
لحسن كل ما أقول
بيعاندا وعليا بيطول
ولمين يا ناس أشتكى ولمين أروح
ما هو حقى اللى أنا عاشقه
وعليه مشغول
وأخاف كلامى اللى بقوله
يحرمنى منه ويبعدنى عنه
وفى الوقت نفسه

حرام عليا أسكت واخبي
ما أنا مظلوم
ومش عارف أقابل المسئول
وتملى على نارى وبازووم
أنام بدمعى وأقوم
ودوايا عنده مركون
وأسأل نفسى وأقول
ليه المسئول يزرع فى العيون دموع
ليه يخلى عقلى شارد ويا الهموم
وليه يخلى عيونى
تشوف منه الاحترام والحنان
وأسمع كلام صد وهجران
فوقنى ياليل حبه
نسينى الأوهام الجمه

* * *

ياللى قلبك من حديد

ياللى قلبك من حديد
وكل يوم قاسى ومفهوش جديد
كل م اقول أنت الحبيب
وفى يوم ها تحس وهتبقى قريب
الاقيك انسان غريب
من غير سبب
بتخلق كلام يعكنن ومفهوش جديد
ياللى قلبك من حديد
قلبي منك يا ما شاف عذاب كتير
بين ايديك جرحى طال
وادام عنيك أشكى ليل ونهار
مش قادر أنا يا حبيبي
ع القسى والعذاب الشديد
ياللى قلبك من حديد
وكل يوم قاسى ومفهوش جديد

* * *

مالى بالجراح

مالى يا دنيا أنا بالجراح أنا مالى

ولأمتى هاتفضلى كده مش سايبانى

مالى أنا بالجراح انا مالى

ولأمتى هاتفضلى يا دنيا كده مغرقانى

مع انى ماشى ويا حالى

بجتهد وشايف أعمالى

وأنتى بالآهات والآلام تعبانى

مال يا دنيا بالجراح أنا مالى

مالى باللى وقفوا أدامى

وعطلوا أحوالى

مش عارف أنا عملت أيه

عشان أستاهل كل اللى بيجراللى

واللا عشان ما احنا فى زمن

بيبيعوا فيه كل أنسان مثالى

فكيها يا دنيا علينا والنبي

وخلى الظلمة يبعدوا عنا

ويسبوا كل إنسان فى حاله

* * *

مش مسامحك

يا للى شربت من الحزن حياتى
أنا مش مسامحك ولا راضى عليك
وبدعى من قلبى تملى عليك
تشوف يارب اللى أنا شفته
لحد ما تطلع حبابى عنيك
دا الحق فى أيد الخالق
وأنت حالف عليه
ما يجنىش طول ما انت حواليه
يعنى يا ظالم عملت نفسك ربنا عليه
ونسيت أن كل شيء بايديه
وأنت اللى هاتسئل يوم الحساب عليه
غير اللى ها تشوفه فى الدنيا
تبقى شوف أيه ها ينفكك أيه
يا للى شربت من الحزن حياتى
أنا مش مسامحك ولا راضى عليك
وقلبي بيدعى بيدعى عليك
تشوف يارب اللى أنا شفته
لحد ما تطلع حبابى عنيك

* * *

يا وکلین حقی

يا وکلین حقی
دا الحق مش ملکی
دا ملک اللى خالقکم وخالقنى
ليه بقى تعملوا معايا كده
وتعذبوا روحى
وتحيروا عقلى
يا وکلین حقی وقفلین علیا الباب
خلتونی أهیم فى بحر الأشجان
وأقاسى البعد والحرمان
ولا انتوا حاسین بقلبى وهو تعبان
ما بین ظلمکم وشوقى لحقى
أحترار قلبى وحیرنى
یغیب عنى
وفکرى بیه تملی مشغول
وأسرح أقول
أمتى یرجع حقی
يا وکلین حقی

* * *

آه يانی آه يانی

آه يانی آه يانی
على قلبى وع اللى جراه
آه يانی آه يانی
من اللى حبتها
على طول تعبانی
وعلى طول مشغبانی
ولا عمرها فى يوم عملت حسابى
كل ما أجدى أقولها عن غرامى
تهجر وتهزلى راسها وتقول انا مالي
آه يانی آه يانی
على قلبى واللى جراه
اللى حبتها عامله نسيانى
ومش عارف أكسبها
ولا عارف اخليها تبقى حبانى
يا خسارة إخلاصى ليها
وانا من النهاردة مش ها اتصل بيها
ولا هاسأل عليها تانى
ما انا خلاص عرفت مكانى

هيا على طول تعبانى
وتملى مشغبانى
آه يانى آه يانى
على قلبى واللى جراه

* * *

آه يا عينى ع الفقير

آه يا عينى ع الفقير
وعلى حصرته
لما يجيله الفقر
ويعشعش قرب حجرته
آه يا عينى عليه
لما يزوره الجوع
ويقعد مش لاقى حتى هدمته
آه يا عينى ع الفقير
وعلى حصرته
لما يأمره الرغيف الحاف
يضاجعه الأسى
والجوع بغصب ويقرص معدته
لحد ما يمص دمه
ودم أولاده وزوجته
أه يا عينى على الفقير
وعلى حصرته
لما ينخر السوس فى عضمته
ويبان كمان على لبسه

وعلى ومنظره وهدمته
وصدق المثل لما قال
لو كان الفقر رجلا
لقتله مهما كانت سكته

* * *

رغم أنف الحقود

رغم أنف الحقود
الحق عمره ما فى يوم أبداً يموت
والجهاد فرصة
مش ممكن ولا عمره ينسى
وجهادنا مستميت ودعانا من حديد
هب لكفاحك يا مسلم
بقلب من فولاذ حديد صامد ومستميت
هب للكفاح المستميت
والمولى كفيل بحفظك أكيد
وهيرجع الحق ليك مهما طال
هيرجع هولك ربنا من جديد
رغم انف الحقود
الحق مش راح أبداً يموت

* * *

جت سليمة

جت سليمة
ونصرنا ربنا
على ولاد اللذينا
ياما تعبونا
وبعمايلهم كلوا حقوقنا
ولا رضيو فى يوم ينصفونا
بس فى النهاية عليهم ربنا نصرنا
عشان طول عمرنا بنحب عملنا
وبنموت قوى فى الخير
ولو كان فى أيد عزالنا
جت سليمة
ونصرنا ربنا
على ولاد اللذينا
إكمننا ماشيين وعلى ربنا متوكلين
وعليه وحده كلنا متعشمين
طالبين يرضينا
على اد جهدنا وبيدنا
احنا ياما تعبنا

والأحقاد كانت بتأذينا

جت سليمة

ونصرنا ربنا

على ولاد اللذينا

* * *

الحياة لما تروق

الله ع الحياه لما تروق

بعد ما البال أنشغل

والفكر داب دوب

بالصبر يحيا الأمل

وكل شئ بالعمل

وانا الى ياما فى الدنيا اتحملت أنا

سنه بسنه لحد ما الشوق دوبرنى دوب

ورجعلى الأمل وقالى دوق

الله على الحياه لما تروق

بعد ما البال انشغل

والفكر داب دوب

بالصبر يحيا الأمل

وكل شئ بالعمل

فبعد الغروب شروق

والليل بعده نهار

وأنت ياللى بتقاسى زايى الحياه

بكره بالصبر الدنيا تصفالك

وتنسى الى جراك
بسى خلى عندك أنت أمل
وعيش حياتك بالعمل
تتحققك أحلامك
وتنسى كل شيء جراك

* * *

ياللى إتجرحت كتير

ياللى إتجرحت كتير
معلش انت عظيم
وقلبك ده قلب كبير
واللى جرحك انسان وضع وصغير
ياللى إتجرحت كتير
أوعى تزعل أو تضعف
ده اللى جرحك
ده انسان مش سليم
أوعى تصاحبه وأبعد عنه
مهما كان مركزه كبير
يا اللى إتجرحت كتير
حاذر من التفكير
وأعرف مكانتك
بكره ربنا ها ينصرك
وها يخليك عليه كبير
ياللى إتجرحت كتير
معلش انت عظيم
وقلبك ده قلب كبير
واللى جرحك انسان حقير وصغير

* * *

آه منك يا ظالم

آه منك يا ظالم
آه منك ومن ظلمك
وكثر عندك وكبرك
آه منك يا ظالم
يا ابو دم ثقيل
آه وحظك في الدنيا
يا بختك حظ كبير
بشوف قسايا في نظرتك ليا
الاقى تعاسة قلبى
من كتر ظلمك وجورك بيا
اه منك يا ظالم
با ابو دم ثقيل
حياتك ظلم بترسمه
ع الخلق والبنادميين
ربك يا ظالم رب قلوب
قادر ينصفنا منك
ويقصف عمرك
لو مش هاترجع عن اللى فيك وتتوب

* * *

ما تقوليش

ما تقوليش يا مسئول يا مغرور
أنسى انا مش ها أنسى
ما تقوليش يا مسئول يا مغرور
الباب اللي كنت ها أخش منه
أتقفل بالضبة والمفتاح
ما تقوليش كلام من ده
ازاى بس انسى حقى اللي ضاع
وازاى كمان انسى عمايلك
كذاب وغشاش وبتقتل امال الناس
ما تقوليش يا مسئول يا مغرور
أنسى انا مش ها أنسى
ولا تحكيش ويايا بكلام يريح
انا خلاص اكتشفتك
وعرفت ان كلامك دة
معناه انك بتمرر
ودخيلك بقى تسيبك من الكلام المسيح
كبييرة قوى صدمه الملهوف
لما الصدمه تجيله من اللي ما يقدر

وبلاوع فى الكلام وىكدب وىغش وىزور
ما تحكىش یا مسؤل یا مغرور معايا
ولا تقولیش كلام یریح
دخيلك ما تدقش مساميرك
فى نعش أمالى وأحلامى
دى الدنيا ملهاس ولا لازمہ
ولو مش ها تراعى كده
بكره يوم الحساب هتعيش فى أزمہ

* * *

قلبي المطحون

اعمل اية يا دنيا
مع قلبي المطحون
اعمل ايه فى دنيا الظلمة
والناس اللي بتخون
اعمل ايه والدنيا كانت لقلبي بتضحكه
وبتنادى عليه
فرحانه عايزة تكافئه
على إجهاده ونجاحه
اللى هوه بيجرى كتير عليه
بس اللى بايعينه
ربنا يسامحهم
مش سايبينه باصين عليه
مدوخينه معذبينه
مسلطين الصغير والكبير عليه
اعمل ايه يا دنيا
مع قلبي المطحون أعمل ايه
اللى بايعينه حاقدين عليه
طافيين نوره

وفى الضلمه رميينه
ولا حد بيسأل عليه
و بيقول ده نصيبه فى الدنيا
مقدر ومكتوب ليه
أعمل أنا يا دنيا
بعد كده لقلبي ايه
اعمله ايه
انا زعلان قوى عليه
ومش لاقى حد ينشله
من اللى هوه فيه

* * *

يا ويل قلبى

يا ويل قلبى

يا ويله من اللى بيهواه

ويا سعده هوه ويا هناه

يا ويل قلبى

من اللى حبه

مش قادر عليه

ولا قادر ينساه

ولا الروح قادرة تسلاه

يا ويل قلبى

يا ويله من اللى بيهواه

سايبنى مجروح

أداوى جرح ألقى بداله جروح

ولو شاف عينى بتدوق الآلم

يغفل ويعمل كأنه مش موجود

يا ويل قلبى

يا ويله من اللى بيهواه

ويا سعده هوه ويا هناه

* * *

لحد أمتى أفوتلك

لحد أمتى

هايبقى دمك يا حبيبي تقيل

لحد أمتى

قلبي يحبك ويبقى مايل ليك ميل

وأنت بتعانده ووييا عامل تقيل

لحد أمتى

أعديلك كلامك اللي بتقوله

وبيكون بايخ كثير

لحد أمتى أفوتلك

وأقول يمكن في يوم تغيير اللي فيك

ونعيش ويا بعض سوا حبايب متهنيين

لحد أمتى

هايبقى دمك يا حبيبي تقيل

دا اللي حصل وياك ما حصلش ابدأ لحد

من يوم ما قابلتك

وأنا ايامي معاك يدوبك تتعد

وكل اللي بنيتة في حياتي

من نظره ع مال يتهد

وانت لا بترحم
ولا مخلى رحمة ربنا تنزل
ودمك بايخ وتقبل بجد

* * *

اه من اللى ظالمنى

اه يا قلبى ع اللى ظالمنى
وع مال يلاعبنى
يمين وشمال بيزوغ منى
ولا قادر مره يحنن قلبه
وعلى سؤالى يجاوبنى
اه يا قلبى من اللى ظالمنى
شايغه قدامى ومشمت فىا عزالى
اه من كدبه وخداعه
عائش متربع فى مكانه
وع مال يلاعبنى
كفايه انه حطم ناس احسن منه
وكانوا قبل منى
اه يا قلبى من اللى ظالمنى
نفسى يا ناس اشرب من دمه
وأخلص منه
نفسى افضح الاعيبه
واشفى نار لهيبى منه
اه يا قلبى من اللى ظالمنى

* * *

مفیش حد سلیم

اه یا دنیا مبقاش فیکی حد سلیم

ملیانه کتیر عجب

ومش عارفیین نشکی مین

نشکی منک واللا نشکی غدر البنأدمین

مبقاش یا دنیا فی حد سلیم

الکل بیغدر حتی بأحب الناس لیه

ولو الواحد منا یسأل أیه السبب

یقولوا السبب مجهول

الغدر فی الدنيا إنکتب

وملهوش أبدا ای حلول

حتى الأخ بقى سهل علیه

یغدر فی أبوه وأخوه

اه یا دنیا مبقاش فیکی حد سلیم

والی یشوف فیکی یاما یقول

کل شیء ماشی فیکی

عکس اللى عایزینه علی طول

یاما نشوف ناس معهاش ولا ملیم

وفی الکبر ملهاش مثیل

وناس تانيه معاها ملايين
ومش راحمين أهاليهم
وعلى أقرب ماليهم دايسيين
اه يا دنيا مليانه كلك عبر
خارجة عن الأصول والدين
عشان الست تتقلب راجل
والراجل يتقلب ست
ولا فيه إختشى ولا فيه دين
اه يا دنيا مبقاش فيكى حد سليم
ومش عارفيين نشكى منك
واللا نشكى غدر البنأدمين

* * *

عشانك يا قلبى

كله عشانك يا قلبى
وكله فى حبك يهون
تهون الدنيا بس أنت عمرك ماتهون
لو شىء يا قلبى يتعبك أيه بعده يدوم
كله يا قلبى الا أنت
وفى حبك كل شىء يهون
يا قلبى أنا من غيرك
مكنتش ولا يمكن أبدا أكون
دا أنت أهم حاجة فى جسمى
وأحلى حاجة فى الكون
ومين بس يقدر يستغنى عنك
دا أنت يا قلب الأمل
وبنورك يحيا الجسم
وبنورك تحيا الجموع

* * *

آخرها هايبقى حلو

آخرها يا حبيبي هايبقى حلو
اخرها هايبقى حلو
بعد ما شربنا واتسقيننا من المر
ربنا هايفرجها علينا
وهانبقى زى الفل
وها ينصرنا ربنا ع الكل
على قد ما شفنا هوان
وقله راحة ويا الخلان
أهو جانا يوم خلاص
وارتحنا من الحيرة والأشجان
واتقبلنا ويا الأحباب
وها نعيش من تانى أجمل أحلام
ويا الحبايب والخلان
دا الحب أصله مش مجرد كلام
ولا مقابلة والسلام
دا الحب حدوده وئام
أولها ألفة وسلام وشجن وخصام
وأخرها فرحة وإنسجام وهيام

* * *

حرام عليك

حرام عليك يا حبيب الروح

تبعد وتخليني مجروح

ينوبك أيه من عذاب الروح

الجسم وكفاية عايش

من بعادك مجروح

أيه ينوبك بقى من عذاب الروح

ياما شكيت ياما بكيت

وقلت قلبك يمكن يرجع ويعطف يوم

أتارينى عايش ورا الأوهام

ومليش سمر غير الألحان

حرام عليك يا حبيب الروح

تبعد وتخليني أنا المجروح

* * *

جرحونى الخائنين

منعونى الخائنين أوصل لأحلامى
منعونى أوصل أمالى
وطريق عمرى الغالى
حسبوا عليا عشقى ذنوب
منعونى وهم شايلىن ذنوب وذنوب
ياما ضايقونى عشان أتوب
ياما قالولى ما تحطش أمل
مهما تعمل مش هاتوصل يا حبوب
منعونى الخائنين
منعونى الحاسدين
أوصل طريق أمالى وأحلامى
جرحونى وأنا صابر
وصبرى ولا صبر أيوب
حرمونى ومهमा يحرمونى
برضه عمرى ياناس ما هاتوب

* * *

هناك يا مظلوم

يا هناك يا اللى كنت مظلوم
لما يجيلك الإنصاف فى يوم
وتشوف الخير و النور
يا هناك لما عذابك اللى شفته
تشوفه أدامك يهون
بعد كل اللى قاسيته
من الضنى والجور
يا هناك ياللى كنت مظلوم
لما تتغير الأمور
وبجيلك الحق وانت فرحان مسرور
ربنا يتمملك بالخير
وتجنى ثمرة جهدك وكل ما أتمنيت
أنت يا ما أخلصت ووفيت
وصبرت كتير ع الظلم وقاسيت
وجالك فى الآخر ما أتمنيت
مبروك ياللى كنت مظلوم
راح خلاص عهد الظلم والجور
وأبتدا وباك عهد جديد
عهد الحق والنور
يا هناك يا للى كنت مظلوم

* * *

الله يعوض علينا

الله يعوض علينا ويعوض ربنا
ع اللى بيحصل فى الدنيا معانا
تملى مدوخانا و مغلبانه
و لا فى يوم مريحانا
الله يعوض علينا
وع اللى بيحصل فى الدنيا معانا
مش مخليا الواحد فينا على حاله
وعلى طول معاندانا
مسلطه علينا الظلمة اللى ما عندهومش أمانه
بيشتروا وبيبعوا فى هوانا
الله يعوض علينا
وع اللى بيحصل فى الدنيا معانا
حطلنا الأهطل أبو رياله
فى أعلى منصب ومكانه
واللى ناصح ومجاهد بكفائة وأمانه
مخليا فى أدنى مكانه
وهيا كده الدنيا على طول فلاتيه
وبتجبها من الآخر معانا

مفیش مكانه مفیش أمانه
الله یعوض ع الدنيا ویعوض ربنا
على كل اللى بیحصل معانا

* * *

مهما يحصلى معاك

مكتوبلى يا ظالم
أجرى بحرقه وراك
مكتوبلى أطلب حقى وأجرى وراه
وأنت مستغل مكانك
ولاعارف أخذ حقى ومكانى وياك
ومدوخنى عليه السبع دوخات
ولا طایل سما ولا ارض
ومعذبنى وراك
اکتر من کام سنه فات
مكتوبلى ياظالم
نصیبى كده وياك
مکتوبى أصارع عشان حقى
بقساک وجفاک
ومهما يحصلى معاک
أنا مش ها أ سکت
وها أفضل أجرى ورا حقى
اللى ضایع بجفاک

* * *

وكلام يههم الناس

وكلام يههم الناس
وبقوله بكل اخلاص
فين دلوقتى الزمن يا ناس
وراحو فين الناس الحلوة بتوع زمان
النهارده الناس عايشة كده وخلص
زى ما يكونوا مييتين معندهومش أى إحساس
ما هو زمان كتر فيه الكداب والمحلاس
واللى بيقول كلام مفهوش إخلاص
وعليه العوض فى دا زمان
اللى ضاع فيه العدل والإنصاف والأمان
لو قابلنا أى مسئول تلاقيه لايعدل فى الميزان
ولاينصف أى إنسان ولا يعجبك منه كلام
وتملى يماطل فى فلان وفلان
قولولى بقى ياناس
فين دلوقتى احنا ياناس
وراحو فين الناس الحلوة بتوع زمان
ربنا يعوض علينا وخلص

* * *

أنا مش راح أصرخ

أنا مش راح أصرخ ولاها أزووم
ولا كمان ها أقول

حرام عليكم يا مسئولين بلدنا
تخلو الظلم عليا مرسوم

وانا اللي عشان أسمي وأسم بلادي
بجاهد وبقاتل بجنون

أنا مش ها أصرخ ولا ها أزووم
ولا كمان يا بلادي ها أقول

أنا بس ها كافح وهاجاهد على طول
لحد ماربنا لأما ينصفني

لأما يديني حقي

يوم الحساب لما الساعة تقوم

أنا مش راح أصرخ ولا ها أزووم
ولا كمان ها أقول

حرام عليكم يا مسئولين بلدنا
تخلوا الظلم عليا مرسوم

وها نسيب كل ده لوقت معلوم
ووقت الحساب عند ربنا

ها بيان الظالم من المظلوم

* * *

ملحمة في مشاعر الدفاء
و الحب و الأمان

افرح يا قلبى

مين زعلك يا قلبى
وخلاك مش مرتاح
مين زعلك وزرع جواك الجراح
افرح يا قلبى بحبك
وغنى دا حبك لوحده لذيد ومباح
والدنيا جميلة وآخر براح
وسيبك بقى من كل اللى راح
عيش الدنيا وغنى لحبك
دا بعد الظلام نور الفجر بيشقشق
والدنيا تبقى صباح
بس انت يا قلبى ريح بالك
وارمى حمولك على الله
وانسى كل اللى راح
واملى قلبك بالرضا والسماح
هاتلاقى الدنيا جميله وآخر براح
بكرة اللى زرع فى طريقك الأشواك
هايحصد هوه الأشواك
أصل زارع الشوك عمره ما يجنى أبداً تفاح
افرح يا قلبى بحبك
دا الحب وحده لذيد ومباح

* * *

هيا دى أمى

هيا دى المشاعر وهوه ده الاهتمام

وهيا دى أمى

أحلى ام من غير كلام

هيا دى المشاعر وهوه ده الاهتمام

وهيا دى أمى

هيا روحى و هيا عمرى

وهيا نور قلبى وضله

وهى فرح العمر كله

تملى بتسأل عن حالى

ولا لحظة تنسانى

وأنا بدعلها يخليها ربنا طوالى

ويقول يا رب ما تحرمنى من أمى

ولا تحرم أمى منى

هيا دى المشاعر وهوه ده الاهتمام

وهيا دى أمى

أحلى أم من غير كلام

* * *

ومش هاينفع الندم

مش جديدة يا قلبى

عليك الهموم

مش جديدة يا قلبى

عليك السهد والقلق والهموم

بعد ما خسرت حبيبة قلبك

اللى كانت منورة عليك كل الوجود

فضلت يا قلبى تحبها

من غير ما قدرت تقربلها

لحد ما جه واحد تانى

ولقلبه هوه ضمها

وانت زى ما انت

كاتم جوه قلبك حبها

ومش هاينفع يا قلبى عليها الندم

ولا هايشفع ليك الأسى ولا الحزن والألم

* * *

وحدى والقمر

وحدى والقمر

سهران بفكر

مش قادر أقول كلام

ولا قادر حتى أنام

من شده اللى حصل وقسوة اللى جرى

اللى حبتها زمان فين هيا يا ترى

فى نفس دا المكان من كام سنه

ضمنا الحب سوى

معرفشى ليه الزمان

خلى كل واحد فى مكان

وهيا دلوقتى فين يا ترى

طال بينا الفراق

والعمر هان والوعد خان

بس قلبى عمره ما غدر

وهوه قلبى أقسى من الحجر

سابنى وجرى ورا بالمال

الله يجازى اللى كان السبب

غروه الحاسدين بالمال

وجابلوه فلان ابن فلان
قال ايه غنى وعنده مال
ومن يوميهها ماعرفش عنه خبر
وحدى والقمر
سهران بفكر
فى اللى كان أيام ماكنا زمان
انا وحبيبى وثالثنا الشيطان
ضيع الحب اللى بينا فى ثوان
ومن يوميهها وأنا مش عارف أنا
ولا عارف عنه أى خبر
ولا عارف عنه أى مكان

* * *

قلبي عليكى يا قمرى

قلبي عليكى يا قمرى

قلبي عليكى تملى مشغول

ومعرفش ليه البعد عنى

كان كده بيطول

مع أن القلب بيكى يا حلوه دايمًا موصول

قلبي عليكى يا قمرى

قلبي عليكى تملى مشغول

مشغول فى نهارى

بفكر فى لقاكي

ومش قادر اطول

ومشغول فى ليلى

سهران مش قادر أنام

من كنز الحرمان

قلبي عليكى يا قمرى

قلبي عليكى تملى مشغول

ومعرفش ليه البعد عنى

كان كده بيطول

وأنتى عارفه أنك رجايا

ومنايا وأملى المأمول
ومقدرش أستغنى عنك مهما يكون
لو توافقى وترضى تلبنى ندايا
أعيش العمر فى سعادة
وهنا على طول
ولو مش راضيه ورافضه ندايا وهوايا
أعيش العمر فى تعاسة
وشقى منين ما أكون

* * *

يافارقة الدنيا يا أمى

يافارقة الدنيا يا أمى وسيبانى
وعلى جرحى بعدك ياغالية وعلى مرارى
وكفاية بعيش من غيرك وحدانى
يافارقة الدنيا يا أمى وسيبانى
أه من فراقك يا غالية وع اللى جوالى
فراقك سهرنى وبكانى
مش قادر أصبر على حرمانى
مين بعدك يا أمى يعطف عليا ويرعانى
مين بعدك يملانى بالدفء والحب والأمانى
مليش غيرك فى الدنيا يا أمى حد تانى
يافارقة الدنيا يا أمى وسيبانى
أعانى السهد ايام وليالى
وأبات وأصحى على عذابى وأحزانى
وإن بكيته أبكى على روحى
من كتر حبى وإشتياقى
بلاقى دموعى مش طافيه نارى
ولا الصبر مخفف عليا أحزانى
يافارقة الدنيا يا أمى وسيبانى

* * *

مش هانساك يابا

مش هانساك يابا

مش هانساك

وإن طال عمرى وعشت

ها أعيش يابا على ذكراك

وها أحقق بأذن الله منك

مشوار حياتى يابا كله فداك

وها أحقق بقدره المولى منك

وأنا والآيام والحياة أدام

هاكافح وأجاهد

وهاعيش على ذكراك

أدعيلك واقراك الفاتحة

ومش ها أنساک يابا

مش هانساک

* * *

ناس زمان

يارب إرحم ناس زمان
ناس كانوا آخر تمام
أبويأ وأمى والجيران
على مصالح واحده وآخر جدعان
ويا مشاعر حلوه على لقمة فول
الواحد منهم يبقى شبعان
الله يرحم ناس زمان
على أبسط عيشه كانوا عايشين
لا فى يوم حسينا إنهم مختلفين
ناس كانوا مالكين أحلى خصال
واقل شئ فيهم يعجبك فى الحال
حتى ان الواحد منهم من قبل ما تشوفه
القلب على طول ليه يبقى ميال
يارب إرحم ناس زمان
سحر جمالهم وحنانهم وطيبتهم
يخلو الواحد يحب الدنيا ويحس بنعيمها
وتخليك كمان بيهم فرحان مختال
والحزن من القلب على طول يتشال
يارب إرحم ناس زمان
سحر جمالهم يخلى الواحد يكتب عنهم ميت موال

* * *

عاشت أمى

عاشت أمى العظيمه

عاشت اللى ربتنى

وسهرت عليا أيام وليالى طويله

عاشت أمى الطيبه الجميله

عاشت اللى على ايديها إتعلمت حاجات كثيره

إتعلمت الحنان والإحساس

وإزاي أساعد كل الناس

عاشت أمى الغاليه الجميله

اللى على إيديها إتعلمت الحكمه

وحاجات كثيره مفيده

عاشت اللى لولاها ما كنت أنا

ولاكانت حياتى تبقى سعيده

عاشت أمى العظيمه

عاشت أمى الطيبه الجميله

* * *

حلوة الدنيا وجميلة

حلوة الدنيا وجميلة
لما نحب يا ناس بعضينا
وبالخير والحب نضم كل اللي حوالينا
حلوة الدنيا وتبقى جميلة
وتحلو أكثر وتدينا
لو قدرنا نحول الصحرا الى أحلى جنينه
الشمس تطلع فى نهارنا
تنور دنيانا وتدفينا
حلوة الدنيا وجميلة
ومهما فيها تعبنا او قاسينا
ما دام بنحبها
ومن قلبنا نديها
هيا كمان تحبنا وتدينا
وكفايه صوت العصافير فى الصباحية
لما نسمعه بالاشجان يشجينا
والورد البلدى لما يفتح
بجماله البراق بيমা عينا
حلوة الدنيا وجميلة

لما ياناس نحب بعضينا
ونبعد عن الاحقاد
اللى تخلى الدنيا تضحك علينا
وترميننا فى بحور عميقة مريرة
حلوة الدنيا وجميلة
لما نحب يا ناس بعضينا

* * *

الله على الرسام

الله الله على الرسام

الله الله عليه

لما يرسم بإديه

يرسم الصورة حلوة زى الطبيعة

زى ما بيكون بيسحر بإديه

الله الله على الرسام

الله الله عليه

عبقرى فى رسمه

والكل بيتفرج عليه

وبيقولوا رسمه آخر جنان

هوه أحلى فنان

يا مشا الله عليه

يحرسه ربنا ويخليه لبلدنا

ويحميه من شر العين

لجل نشوفه يرسم ويرسم

ونشبع من سحر إيديه

* * *

خيرك يا أبويا

خيرك يا أبويا علينا ملهوش آخر
خيرك على وعلى إخواني ملهوش ابدأً آخر
واحنا بنعترفلك وبنقولك من الآخر
إنت اللي بيك بنحكي وبننتفاخر
وع الوجود كله
بنحكي كفاحك وجهادك ع الآخر
خيرك يا أبويا علينا ملهوش آخر
واحنا بنعترفلك وبنقولك من الآخر
الدنيا من بعدك بتبقى عذاب ملهوش آخر
ما أنت اللي زارع فينا الأمل والحب
ومهما نقدملك أو عشانك نضحى
مش هانقدر نوفى خيرك
خيرك علينا ملهوش آخر

* * *

محتاجك يا صاحبي

محتاجك يا صاحبي
ومحتاج بعيونك أكون
محتاجك أنا فكر وظنون
أحب كل شئ فيك
حتى الغيره أو الزعل وفي أى وقت يكون
كل شئ عندي يهون
ما دام بتصارحني يا صاحبي على طول
أحبك ومحتاجك قدامى تكون
أحتاجك فكر وظنون
أحتاج منك الرضى وبسمة القلب الحنون
أحتاج قربك واحتاج للامان
يكونوا بداخلك طول الزمان
أحتاج لحبك وإحترامك للذات
هو ده يا صاحبي
اللى يخلينى أهواك
وأعيش العمر تملى وياك

* * *

إلا فراق أخويا

إلا فراق أخويا
إبن أمى وأبويا
هوه أصعب فراق
حياتى بعده أصعب حياة
عشتها كلها فى حزن وتعاسة
بعد الرحيل و الفراق
مقدرش أبداً أنا أنساه
كنا أنا وهوه
أخوات وأصدقاء وأحباب
وكان هوه نعمة من الخلاق
ياما شفت وياه أغلى حياة
شفت الحب والعطف والحنان
اللى ما شفتوش مع أى انسان
يا خسارة راحو بعد الفراق
ومابقاش ليا فى الدنيا
تانى أى احباب
الا فراق اخويا، ابن امى وابويا
هوه اصعب فراق

عشتها أنا وياه
شفت الحب والعطف والحنان
اللى ماشفتوش مع أى إنسان
ياخساره راحو بعد الفراق
ومابقاش ليا فى الدنيا تانى أحباب
إلا فراق أخويا
إبن أمى وأبويا
هو أصعب فراق

* * *

بر أمك بر أبوك

بر أمك بر أبوك
هم يا صاحبي اللي ربوك
طعموك من وأنت صغير
ومن كل شر حموك
بر أمك بر أبوك
مفيش فى الدنيا أغلى منهم
ولو تعبوك أو ضايقوك
هما فى الأصل اللي ربوك
وبيخافوا عليك
ولو تعبوك أو زعلوك
بر أمك بر أبوك
تطول حياتك يا صاحبي
وتعيش فى هنا وسرور
وإوعى تفتكر أن برهم يكون بالفلوس
ولو وياه يا صاحبي وش عبوس
داهم عايزين منك ود ورعاية وكلمة حلوة
مش مال بس وفلوس

* * *

الدنيا لما تدى

ياسلام ع الدنيا لما تدى
وترزق ويكونوا الاخوة احاباب
تضبط بايديهم كل الأحوال
وتمشى بينهم الامور على أحسن حال
لا تشوف عندهم شىء مهضوم أو مقلوب
والعدل بينهم هوه اللى يسود
ويا خسارة لو كان العكس
ويبقوا الإخوة أعداء
تلقاهم يزعقوا فى بعض
ويتخانقوا على أتفه الأسباب
ويسمعوا ويفرحوا فيهم الأعداء
غير اللى هايشوفوه من الكراهية
وخصام الاولاد والاحفاد
وكثر البغض وكثر الفراق
يا سلام ع الدنيا لما تدى
وترزق ويكون الاخوة احباب

* * *

آه يا قلبى من بنات اليوم

آه يا قلبى من بنات اليوم

الواحد ييجى يفهمهم

يروحووا فى النوم

قال إيه مش عاوزين

غير اللى يلعب بيهم ويرسم عليهم

آه يا قلبى من بنات اليوم

الواحد منهم تبقى عارفة الخاين

وماشيه معاه

ولو زعل منها بتراضيه كمان

قال ايه الحلاوة عندهم فى الشكل والرسم والالوان

مع ان الحلاوة حلاوة الطبع وحلاوة اللسان

آه يا قلبى من بنات اليوم

معندهومش حياء ولبسين لبس موزات

إشى محزق وإشى بنطلونات

وبيتزوجوا ويتلونوا

ويرسموا نفسيهم بالدهانات

ومش عايزين إنسان مخلص وأمير

يكون عنده دين ومايحبش اللف الكثير

واللى عايزينه يكون معاه مال كتير
ومش مهم يكون صايع وحرامى كبير
آه يا قلبى من بنات اليوم
وفين الام اللى عشان بنتها تغيير
وما ترضاش تسمع عنها كلام خطير
آه يا قلبى من بنات اليوم

* * *

حلوة العيون

يا حلوة العيون
دق قلبي لما شوفتك
وعلى طول بيكى حس
ولما عرفتك حرمت عيني لغيرك تبص
يا حلوة العيون
يا اللي بتسرقى من الليل الظلام
أنتى حياتى وعمرى وبس
وانا مش عارف حبك لغيرى واللا أنا وبس
يا حلوة العيون
يا اللي سرقة احساسى
أنا منك خجلان
كل ما أشوفك بستحى ويضيع منى الكلام
يا حلوة العيون
انا قلبي بيكى ولهان
متعلق بيكى باستمرار
بس حيران مش عارف أنام
خايف أقولك بحبك
لحسن اعيش مجروح طول العمر والأيام
ويضيع منى العشق
ويضيع منى الحب والغرام

* * *

الست ست والراجل راجل

الست ست والراجل راجل
هوه ده اللي إحنا عايزينه
يا ناس يا أفاضل
ليه بقى بنشوف الآيام ديه
كلام ع الفاضى
الست عايزة فى البيت
تبقى هيا الراجل
الكلمة كلمتها والشورة شورتها
ولو غصب عن الراجل
الست ست والراجل راجل
وده هوه اللي احنا عايزينه
يا ناس يا أفاضل
ليه بقى بنعكسه
وبنخرب فى ديننا
ونهدم فى مجتمعنا الفاضل
مجتمعنا يا ناس مش ناقص
كلام ع الفاضى
الست ست والراجل راجل

* * *

الله يجازى الهوى

يا دنيا جرى إيه
قلبي ما عرفش حصله إيه
صبح عليل مسكين
معرفش ليه
بعد ما كنا سعدا سوا
معرفش جراه إيه
الله يجازى الهوى
خلي قلبي بالحزن إنكوى
ومبقاش عارف راسه من رجليه
الله يجازى الهوى
خلي قلبي عليل مسكين
بعد ما كنا سعدا سوا
عشنا التعاسه ودقناها ويا بعض
وأيام وسنين أنا وهوه تايهين
ومش لاقيين أى دوا
الله يجازى يجازى الهوا
اللى غرق قلبي فى بحره
لحد ما ضاع منى وإستوى
الله يجازى الهوا

* * *

البنت دى عسليه

عسليه البنت دى عسليه
والكل من حلاوتها
واقع فى شبر ميه
فيها عيون حلوة شقية
وقلب كله حنية
يعنى فايقة الحسن
واخلاقها كمان ميه ميه
كل اللى يقرب منها ويشوفها
يتمنى ما يبعد عنها ولا ثانية
وعيبها انها بتعانى شويه
ما بترتحش لحد
و الكل عندها طماع وأنانى
يا بخت اللى هيا تشاور عليه وتحبه
يبقى الدنيا ضحكته
والحياه إتفتحتله
عسليه البنت دى عسليه

* * *

أوصيك يا بنى

أوصيك يا ابنى تقرأ وتكتب كثير
دى الكتابة علم موهوب ملهوش مثيل
ويخليك بكرة إنسان كبير
ولا حدش يقدر يساومك
ولا حتى يقدر أبدا يشتريك
ولو حتى كنت إنسان فقير
أوصيك يا ابنى تقرأ وتكتب كثير
وتخلى الكتابة عندك شىء مهم وكبير
يعنى باختصار تخلى الكتابة وكأنك بتتنفس
ما بتعملش مجهود كبير
دى القراءة والكتابة هيا المستقبل
وتغذيك بالأفكار الكثير
وتعرفك على تاريخ البلاد
القريب منه والبعيد
أوصيك يا ابنى تقرأ وتكتب كثير

* * *

أختى الطيبة

اللّٰه ع الدنيا الجميلة
رزقانى بأخت طيبة وجميلة
بعطف عليها
وبتعطف عليا
بصبر عليها
وتصبر عليا
وصتنى عليها أمى
وقالتلى هيا من دمى
وريحة منى
وأنت ملكش غيرها
لو تكون ليها قلب
تبقى هيا ليك بحر حب
وأنا بعمل بكلام أمى
وماليش غير سيرة أختى
هيا اللى تملى على لسانى
وهيا أصحابى وأهلى وجيرانى
بعطف عليها
وبتعطف عليا

بصبر عليها
وتصبر عليا
وبراعيتها وهي بتراعيني
وإن غبت عنها بلاقيها تزورني
وتسأل عليا وتجيني
اللّٰه ع الدنيا الجميله
رزقاني بأخت طيبه جميله

* * *

مال يامه حبيبي ليا

مال يامه حبيبي

مال خلاص ليا

بعد ماكنتش لي ولا كان ليا

مال يامه حبيبي ليا

ومكنش ميال

ولا كنت حطه على البال

إنه في يوم هيكون ليا

مال ياما حبيبي

مال خلاص ليا

ولا كنت لية ولا كان ليا

ما أنا يا ما كنت بداديه ياما

وتعبت من كتر ما بنده عليه

النوبادي سبقني هوه

وأديني فؤجئت بيه

قالى كلام كتير حلو ليا

ويقولى كمان أنا ملك إيديكى

مال حبيبي يامه

مال خلاص ليا

ومن غيرما أكلمه ولا أندده عليه
جانني واترمي عليا
قال كلام ياما
وطلب يخطبني ليه
وانا على طول رحبت بيه
والفرحة أهه باينة في عينيه
والنبي يامه كلمي أبويا يرحب بيه

* * *

أجارك الله يا بنى

أجارك الله يا ابنى
من البايخ وم البايخين
أجارك الله من اللى ماعندهمش ضمير
ولاعندهمش دين
أجارك الله يا ابنى
من الجاهل وم الجاهلين
لو قدروا يحطوك فى الطين
أجارك الله يا ابنى
من الشيخ اللى بيسب الدين
إتعوذ دايمًا منه
دا يستاهل الدبح بالسكاكين
وإحمد يا ابنى ربنا
وقول تملى على كل حاجه أمين
وإدعى الواحد الخلاق
يحسنلك الأخلاق
وتمشى على الصراط المستقيم
وتدافع عن الغلابه والفقرا والمساكين
أمين يا بنى أمين
أمين ... أمين

* * *

الست الحثالة

إخص على الست الحثالة
اللى عايشه حياتها زى الزبالة
عايشه بين الناس تملى فتانه
وبتفرق بين الرجالة
يبقوا اخوات عايشين
باخلاص وامانه
وبكذبها وحقدتها
تفرق شملهم
وبتعكر دمهم
إخص على الست الحثالة
اللى عايشة حياتها زى الزبالة
إدعو عليها يا رجالة
تجنى الشر اللى زرعته بإيديها
الكلبة الحثالة

* * *

حلوة أوى

حلوة أوى يا حبيبتي
حلوة أوى زى بنات الحور
حلوة أوى
وكل اللي يشوفك يقول
زى ما تكونى اتخلقتى من نور
حلوة أوى يا حبيبتي
حلوة أوى زى بنات الحور
وشرعك زى الحرير المنثور
ووعد منى ليكى
من يوم ما أكتب أنا عليكى
ها اعيش حياتى كلها ليكى
ما انتى نصيبى ودنيتى
وتستحقى أخاف وأغير عليكى
من أى حد يبقى عليكى
حلوة اوى يا حبيبتي
حلوة اوى زى بنات الحور
وعشانك أتحمل الضنى عشانك
مهما ضاقت عليا الأمور

وكفاهه أستر عليكى
ولا شفش حد يضايق فيكى
أو عليكى يجور أو يعاكسك ويقول
حلوة أوى يا حبيبتى
حلوة أوى زى بنات الحور

* * *

لاحب أول ولاحب تانى

لاحب أول ولاحب تانى
ينسينى اللى شفته
مع البنت الشقيه تهانى
شفت وياها حاجات غريبه
ومش عجبانى
مع إنى كنت بحبها
وتملى كانت فى بالى وخيالى
وكنت بقول هيا الوحيدة اللى ملكانى
ولو جابولى غيرها ملايين حريم تانى
كنت بحسبها رقيقه وبريئه
أتاريها طلعت العكس
أسوأ بنت شفتها عينيه فى حياتى
خلتنى من يوم ما عرفتها
أعيد حساباتى تانى
ولاحب أول ولاحب تانى
ينسينى اللى شفته مع البنت الشقيه تهانى
شفت وياها حاجات غريبه
ومش عجبانى

خلتني أكره وأدعى على كل اللي يقول

في الحب الأولاني

دا حب محدش يصدقه

غير لما الواحد يجرب ويعاشر الثاني

مش مجرد نظره وابتسامه

يبقى فيه حب أولاني

ولاحب أول ولا حب ثاني

ينسيني اللي شفته مع البنت الشقيه تهاني

* * *

الحب التمام

مش ممكن يا حبيبتي

عشان بحبك

افضل أكرر وأقول الكلام ده كتير

دا الحب التمام

ما يحتاجش ابدأ لكلام

وكفايه لما بقابلك

إحساسك يدلك

مش ممكن يا حبيبتي

عشان بحبك

افضل اكرر واقولك الكلام ده كتير

دا الحب الجميل واللى يعمر ويعيش

ما يحتاجش لكلام ولا أفلام

دا الكلام يا حبيبتي سهل يتقال

أما الحب الحقيقي والتمام

ما يدومش غير بالحنان

وللى يصونه على مر الايام

وكفايه يا حبيبتي عليا

ان انا مشيت زى شرع الغرام ما علمنا وقال

وأدينى قلبى كله ليكى مليون بالحنان
ومدفيك بالأمان
وكل اللى عايز اقولهولك يا حبيبي
كل ما إنتى تهوانى
أهواك أنا أكثر يا حياتى

* * *

يارب خلى أمى

يارب خلى أمى وطول فى عمرها

دعوه بقولها من قلبى

وبرضه مش عارف أوفلها حقها

هيا أغلى الناس عندى

كبرتنى وعلمتنى

ولولاها ما كنت حسيت بطعم الدنيا

ولا بطعم حبتها

يارب خلى أمى يارب طول فى عمرها

دعوه بقولها من قلبى

وبرضه مش عارف أوفلها حقها

يا ما عشت حياتى أرتوى من حنان وعطف قلبها

هى كل حياتى ومقدرش ابدأ أستغنى عنها

وصدق الشاعر اللى قال عنها

هيا مدرسة للأجيال كلها

يا ما ناس كتير قالوا عنها

لوها نفتكر هنكلم كتير عنها

وبرضه مش هانوفلها حقها

يارب خلى أمى يارب طول عمرها

* * *

بعد أمى أنا مليش

بعد أمى فى الدنيا ادى

أنا ماليش

بعدها مقدرش أعيش

هيا اللي كفاية تبقى معايا

وأنا معاها أعيش

بعد أمى أنا مليش

هيا اللي بقياىلى من الدنيا ادى

وكفاية لما أتعب أو أشكى

بلاقيها على طول مابتسنش

بعد أمى فى الدنيا ادى

أنا ماليش

طول عمرها مصلياى

وصيح ومسا دعيالى

وخوفها عليا ما بينتهيش

بعد أمى فى الدنيا دى

أنا ماليش

* * *

لآخر يوم فى عمرى

أمى أمى أمى
لآخر يوم فى عمرى
ها أقول أمى أمى أمى
وكفاية قالها الرسول الأمى
وكررها تلت مرات
وأنا مهما أقولها أو أكررها
مش كفاية عليا أن أقولها
ولا كفاية عليا أن أقول
حبها يجرى فى دمي على طول
دا أنا منها وهيا منى
لآخر يوم فى عمرى
ها أقول أمى أمى أمى
ماجتش الدنيا أنا الا عشان أمى
ولولاها ماكنت حسيت بطعم عمرى
يا ما عشت وشفت وياها
أجمل حياة عمرى
عشت الحب والحنان
عشت الإحساس والدفىء والأمان
لآخر يوم فى عمرى
ها أقول أمى أمى أمى

* * *

كيد النسا

يا ويل قلبى

كيد النسا ضناه

ياما وعيته

ياما قولتله

كتير ناس راحت فى الدنيا بالخداع

مسكين ياقلبى ويا ويله

ياما وعيته وياما نهيته

بس للأسف مطاع

ياريته كان طاع

الليالى والنسى لوعوه

خلوه ضاع ضاع ضاع

ومن كتر دموع العين

الدموع جرحت القاع

* * *

الشنط والموتوسيكلات

يا لهوى يا لهوى يا لهوى
ع اللى بيحصل فى الشارع فى البنات
بيخدوا منهم شنطهم
وهم بيجروا فى موتوسيكلات
الواحدة منهم يدوبق شايله
شوية فلوس شقى شهر فات
وتعيش تحلم تشتري بيهم بلوزات
وشوية مكياجات وإحتياجات
فجاة الحلم منها طار
خده الموتوسيكل وفات
يالهى يا لهوى يا لهوى
ع اللى بيحصل فى الشارع فى البنات
* * *

يا بنت الإيه

يا بنت الإيه هواكى فضحنى
خلانى أبوح عن اللى جرحنى
وأعمل إيه أنا أعمل إيه
غلبت أحكيك عن اللى فى قلبى
وعن غرامى وعشقى
اللى أنا ليكى شايله
وأنتى مفيش وياكى يا حلوه أى فايده
يا بنت الإيه وأنا أعمل ايه
مدوقانى العذاب شهور وأيام
ع مال أقولك قربى شويه
لجل تشوفى رسمك فوق كفوفى
بكتبه يا حلوه واناديكى تملى
تعالى تعالى تعالى جنبى
شوفى حبى شوفى شوفى قلبى
وأنتى مفيش فيكى يا حلوه أى فايده
ومش عارف أعمل ايه عشان اراضيكى
يا بنت الآيه حيرنى هواكى
ولو يوم توافقينى
حفضل طول العمر من عمرى أديكى
وعمرى برضة شوية ليكى

* * *

غمزى الواد

غمزى الواد ضحكتلوا
وعلى طول قرب ليا قتلوا
شو بيك ع مال تبص وتغمزلي
قعد يضحكى هأهاها وقالى
ليل نهار بفكر فيكى
وقلبى يا عينى عم يتوجع يا حسرتة ويادلو
غصبن عنى لقيت نفسى ضحكتلوا
إستحليت كلامه وصدقه
فمتلومنيش يا ناس إن جيتلوا
وصار قلبى يحن عليه
ويتمنى لو يعيش العمر كله حواليه
غمزى الواد ضحكتله
ولما عرف حبى قتلوا
إتفضل ع الدار فاتح أهلى
دق الباب فتحتلوا
وقرينا الفاتحه وقتلوا
أدى حنانى اوعى تقسى عليه
ادى غرامى أوعى تعذب فيه
إتفقنا وزى ما رحب بيا
رحبت أنا بيه

* * *

مالو الحب مالو

مالو الحب مالو
واللا ما فى فى الدنيا أبداً زى جمالو
ما دام بيسعد ويهنى أحبابه
وكل اللى غاوى
وكل اللى ناوى
ما لو الحب مالو
مفيش فى الدنيا زيه
ولا فى زى جمالو
ولا حتى فى رفته
ولا حتى فى حنانو
ما هو اللى بيهنى أحبابه
ويقرب كل واحد للى أختره
يبقى مالو الحب مالو
هو فيه فى الدنيا زى جمالو
مالو الحب مالو
مادام بيسعد أحبابه
حتى اللى عنه تابو
وإتعذبو عشانه
بيسألو عنه وعن أحلامه

بينسوا بسرعة عذابه
ويقولوا مالو الحب مالو
ماهوه عذابه سر جماله
دا مفيش فى الدنيا شئ باقى على حالو
ويابخت الى نصيبه جالوا عن طريقه وسكته
مالو الحب مالو
هو فيه فى الدنيا زى جمالوا
مادام بيسعد أحبابه
ويقرب كل واحد للى أختاره

* * *

يا دخلة قلبى

يا دخلة قلبى من غير باسبور

ومن غير إحم ولا دستور

حاسبى عليا شوية

دا قلب دكتور

مش واحد طور

يا داخله قلبى من غير باسبور

ومن غير إحم ولا دستور

خدى مكانك واختارى

صف فى أى طابور

وحلمك شوية ما تزقيش

أصل الدخول هنا بالدور

دا قلب حساس مش مولد وخلص

دا قلب مين أستاذ كبير

وكمان مشهور

* * *

أنا واد صياد

أنا واد صياد
مليش فى الرسميات
ولاليش فى شغل المتاهات
والتلث ورقات
الصبح أبدأ يومى
من أول ما أقول من نومى
أخطط لنفسى ولأعمالى
وأعيش هكذا كل أيامى
على خطط وإنجاز بتفانى
ياما روحت ياما جيت
ياما بعت ياما إشتريت
وبصيد مش زى الناس العاديين
إكمنى بتعب ويكافح وبجاهد كتير
الصبح يومى أقوم
وقلبى خالى من الهموم
بصطاد بكفاحى وسلاحى
وحبى لله وللناس ما ينتهيش
وما أرضاش أعيش
زى الناس العاديين

ما أرضاش أعيش وأخواتى وأهلى
أشوفهم تعبانين
أعيش ليا وليهم
زى ما بحب لنفسى بحب برضه ليهم
انا واد صياد
معرفش أبدأ مستحيل
فى عملى الصبر راسمالي
وفى جنابى المر بيحلالى
بصطاد بصياحى وصرىخى
وقلبى أبيض زى الفل يسيح الكل
بس مع العدو قلبى أسود
زى الصاجات اللى فى الفرن
أنا واد صياد
وبحب كل الناس
وحبى ليهم زى فيضان
ملهوش مداخل
وما بحبش ابدأ فى اللى بيدور ويلأوع
وبعشق عملى ع الآخر
وبعشق أولادى وأهلى وبلادى

ياما كتبت شعر يتغنى واللا أغانى
والحق عندى فى الطالع
وماحبش ابدأ الموانع
اللى تمنع حق يكون طالع
أنا واد صياد
بعشق أوى التعب فى العمل
ياما خدت مخالقات
على اللى جاى قبل اللى رايح
وياما طلعت الجبل ياما كسرت الزلط
والعيون عليا بصالى
ماعرفش عاشقه واللاغداره
بس متمسك بحمى الله
وأسماءه تملى محوطانى
بدعى بيها فى ليلى ونهارى
لجل يحفظنى ربنا
وأرجع أحقق أمالى وأحلامى
وأرفع لفوق إسم وطنى وأهلى وأحبابى

* * *

قبل ما تضيعى

أفزع من الشر وأوحش من الظلام
إن أشوفك يا حبيبتى فى موقف وحش
أو زى ما بيقولوا كده فى موقف كولشن كان
إنتى يا حبيبتى عندى حاجة غالية
وبجد مش كلام هزار
صعب عليا أشوفك خاينه
أو الايكي بايعة نفسك بأبخس الأثمان
وما شيه ويا الشيطان
أفزع من الشر وأوحش من الظلام
إن أشوفك ما عندكيش أمان
أمال خليتى إيه يا حبيبتى
للناس اللي أى كلام
وإنتى عندى حاجة غاليه
مش واحده مش عارفها والسلام
عشان أشوفك رخيصة وأسكت
وما أفتحش بوقى بالكلام
دى مشاعر لو وصلت لأهلك
هايؤذوكى ويمكن يعدموكى

ملکیش حق

ملکیش یا حبیبتی حق
تقولیلی لأ
ما أنا قلبی حبك من غیر دق
وإنتی عارفه وشایفه کده
شوفی کام سنه
بحبك یا حبیبتی أنا
وإنتی إنتی ولا إنتی هنا
الحق الحق علیا أنا
وإنتی ملکیش حق
تقولیلی یا حبیبتی
لما طلبتک لأ
ملکیش حق
تقولیلی لأ

* * *

لكل سن لون

لكل سن لون

ولكل سن وقار

يعنى بالعربى والقم المليون

بقول عيب يا ستات يا كبار

تلبسوا لبس البنات الصغار

لكل سن لون

ولكل سن وقار

وانتى ياكبيرة السن

فين إنتى من الذوق والوقار

تبقى كبيرة

وتعملى لشعرك صغيرة

وتلبسى فستان

يكشف الرجل والفخد كمان

أمال خليتى ايه للبنات الصغار

لما إنتى كده كبيرة

وتلبسى لبس بطال

يجسم جسمك

ويكشف ضمرك

للصغار والكبار
أمال فين القدوة
أمال فين الحلال والحرام
إذا مكنش محوق فيكى
سنك الكبير
وولادك الكبار
لكل سن لون
ولكل سن وقار

* * *

يا عصرة قلبي

يا عصرة قلبي من جوه
لحد ما بقى مش على عادته
وكأنه مش هوه
فيكى يا حلوه غموض كبير
قطع قلبي بالسكين
أدامك مش شايف هفهفة نسمة
ولا فيش فيكى أى بسمة
تحفف عنى اللوع والقسمه
ومش شايف منك غير رعد وأعصار مترسمه
ووراكى يا محبوبتى
البحر هايج
موجه عبوس داير
اللى يقرب منه
يبقى لحظة تعيس وعائر
يا عصرة قلبي من جوه
لحد ما بقى مش على عادته
وكأنه مش هوه
ازاى يا حلوه أكون ليكى قريب

واختارك أعلیٰ حبیب
وأشوف ادامی عشاقك بتزید
یا عذاب عیونی وقلبی
و عذابی الشدید
عصرتی قلبی من جوه
هزیتیه ضیعتیه
زلزلتیه خنتیه
یاریتك یا محبوبتی كنتی حالکھ
وعذابك للغریب كنتی جامده
ولا كنتی حرقتی قریبك
اللی بیحبك وأنتی ویاہ معانده

* * *

وخفف يا قلبي لوعتك

أهجر يا قلبي اللي يهجرك

أهجر خاين العشرة واللى باعك وزعلك

أهجر يا قلبي قبل ما يروشك وقبل ما يزعجك

دا الهجر أفضل من لوعتك

أهجر يا قلبي اللي يهجرك

وخفف عنك أهاتك ولوعتك

دا اللي هجرك ما يقصدش غير مضرتك

أهجره قبل ما يضرك ويزعجك

ليه تشتكى حرمانك ولوعتك

لما أنت ممكن تستغنى عنه بهمتك

أهجر يا قلبي اللي يبيبعك

وأوعى تروحله أو يجيلك

أو يعرف فى يوم طريقك

ودور على اللي يحبك ويريدك

أهجر يا قلبي اللي يهجرك

وأفتح باب قلبك للأمل

مهما الظلام أشتد عليك

بكره يبانلك إحلى صباح

مع حبيب تانى ليه ترتاح
أهجر يا قلبى اللى يهجرك
وبلاش بقى تفكر أو تحتار
اللى مكتوبك هتشوفه ليل أو نهار
أهجر أهجر يا قلبى اللى يبيبعك
وكل اللى يقصد يخدعك
ودور أحسن على اللى يحبك وينفعك
أهجر يا قلبى اللى يهجرك

* * *

يا زفة العرايس

يا زفة العرايس

يا حلاوة عمرنا

وفرحة للقراب وكل أهلنا

يا فرحة غامرة

وسعادة على قلبنا

وعقبالنا يا حبايب

عقبالنا كلنا

وعقبال كل الحبايب لما يتزفوا زينا

يا زفة العرايس

يا ثمرة حلوة فى لياالى حبنا

نعيش ويا بعض بقية عمرنا

نهنى حبنا فى أجمل ليلة من لياالى عشنا

ونقول لكل العرايس

عقبال لما تزفوا وتتهنوا زينا

يا زفة العرايس

ياحلاوة عمرنا

* * *

دایما بآمی بحس

دایما بآمی بحس

دایما بیها بحس

بمجرد ماهیه بس تطل وتبص

كأن عیونها بتقولی كلام

على طول أفهمها فى الحال

وتلاقینى بشوق لیها

قلبى یسبقتنى لیها

وارد أوام علیها

دایماً یا آمی بحس

دایماً بیها بحس

بمجرد ما هیه بس تبص

* * *

قلبي متاخذ

معرفة قلبي ليه متاخذ
ومن اللي بحبه
كل ما أقابله أو أشوفه
بهرب منه وبتاخر
يمكن بخاف من سحر عنيه
أو يمكن أكون مش واخذ عليه
ويقول لنفسى أنا مقدرش عليه
مع أن قلبي بيحبه
وبيموت فى هواه
وبتمنى أعيش الدنيا وياه
معرفة قلبي ليه متاخذ
ومن اللي بحبه
كل ما أشوفه
بهرب منه وبتاخر
يمكن بخاف من سحر عنيه
أو يمكن عشان ما قلبي حزين
عايز يطلب إيديه
ويفرح ويسعد بيه

ومش قادر يفصح بالكلام ده ليه

لحسن يسبني

ويهرب بعيد عنى

لما أجي أطلبه أو ألاقه

طب هايسبني لمين

وانا اللى بتمنى يكون جنبى

ما هوه اللى يا ناس ساكن قلبى

* * *

الدنيا نصيب

الدنيا نصيب الدنيا نصيب
قضى فيها يا حبيبي حياتك وعمرك
من غير تفكير
ومن غير تعذيب
الدنيا كده يوم تسعدك
ويوم تشقيك
بس أنت كفايه تعرف كده
الدنيا نصيب الدنيا نصيب
مش بأيدك مهما تعمل
دا كل شيء قسمة ونصيب
محدث عارف ايه بكرة مخبيلو
فى لحظه الواحد يلاقى عز يجيلو
ولحظه تانيه بتزهوا وتزلوا
وكل واحد ونصيبه وقدره المكتوب ليه
بس يا حبيبي كفايه تعرف كده
وأوعى تفكر وأوعى تزووم
لحسن ظنونك ممكن تخيب

وتعيش فى حزن وهموم
خليها يا حبيبى على ربك
بس أنت أعمل اللى عليك
وكفايه إنك تعرف
الدنيا نصيب الدنيا نصيب

* * *

ماما يا ماما

ماما يا ماما يا حلوه يا ماما
يا أحلى حبيبته كانت ويانا
أنا وإخواتي وبابا معنا
ياما كنتى بالفرحة بتلاقينا
وبالحب كنتى بتجمعينا
ايامك الحلوه بفراقك راحت
بس هاتفضلى جوه قلوبنا وذكرانا
لحد آخر نفس فاضل ويانا
ماما يا ماما يا حلوة يا ماما
يا أحلى حبيبة كانت ويانا
هتفضلى رغم فراقك
فى عقولنا وقلوبنا طوالى
وبندعيلك ياغاليه ونقولك
يرحمك ربنا ويعوضك
بناس تانيه أحسن مننا

* * *

أمى بتحس تملى بيا

أمى أحلى شئ فى الدنيا أمى
هيا روحى هيا عمرى
هيا نور قلبى وضله
هيا فرح العمر كله
أمى أغلى شئ فى الدنيا أمى
بتحسى تملى بيا وبتخاف عليا
وكفايه لفتة عينيها وطلتها عليا
تسوى الدنيا ديه
أمى أحلى شئ فى الدنيا أمى
وهبتلى حبها وقلبها وعمرها
مقدرش أنسى أبداً فضلها
مين غيرها أطمئنها
مين غيرها يدينى حنان قلبها
أمى أغلى شئ فى الدنيا أمى
هيا روحى هيه عمرى
ومهما أنا أكبر
ها أفضل أطلب رضاها ودعاها
ست الكل أمى

* * *

أمى الغالية

إلاهيا أمى الغالية إلاهيا
مقدرش أتصور تودع الدنيا
وتبعد عنى فى لحظة او فى ثانية
إلاهيا أمى الغالية إلاهيا
العمر قضيته معاها أحلى عمر الغالية
ومش متصور إزاي تروح منى
وتودع الدنيا فى ثانية
العمر قضيته معاها أحلى عمر الغالية
وأنا مش مصدق عنيه
إنه يعدى العمر كله كده
وكأنه يدوبك مر عليه ثانية
إلاهيا أمى الغالية إلاهيا
مهما غابت عن عينية عمري ما أنساها
ولو ألف سنة جاية
ما الروح وياها والقلب تملى معاها
وفى كل لحظة وفى كل وقت وفى كل ثانية

* * *

هی دی اَمنا

هی دی اَمنا
حبیبیة قلبنا
من یومها وهیا شایله همنا
حضاننا وضمانا
وواقفه جنبنا
یخلیها لینا ربنا
هیة دیه اَمنا
حبیبیة قلبنا
بتتعب عشان ولادها
من غیر ما تقول
وإحنا شایفین وحاسین بکدا علی طول
یخلیها لینا ربنا
هیة دی اَمنا
حبیبیة قلبنا
شایله تملی همنا
وتغسل وتمسح وتطبخلنا
ولا عمرها تشکی فی یوم مننا
هیة دیه اَمنا
حبیبیة قلبنا

* * *

وخلص الدنيا ضحكتلى

وخلص الدنيا ضحكتلى
وبالسعادة والفرح
جبرت خاطرى وراضتنى
بعد كتير ما تعبتنى وعذبتنى
وخلص الدنيا ضحكتلى
وباللى كنت عايزه نادتنى وعطتنى
وحست بيا وقدرتنى
وخلص الدنيا ضحكتلى
وبعد ما سلطت عليا
اللى مش سائلين فيا
ومتكبرين تملى عليا
عطفت عليا ورحمتنى
وجبتلى ناس تانيه قدرتنى
وبجهدى وشقايا كفائتنى وإدتنى
وخلص الدنيا ضحكتلى

* * *

المؤلف فى سطور

الاسم بالكامل : الدكتور/ على عبدالعظيم صالح سليمان الصياد

اسم الشهره : الدكتور/ على الصياد

المؤهلات : حقوق عين شمس

ماجستير فى القانون العام والشريعة الإسلامية

دكتوراه فى القانون العام

له العديد من المقالات والأخبار والتحقيقات الصحفية بصحف الجمهورية والأحرار والنسب والوطن ورأى الأمة وآفاق عالمية والحياة المصرية وغيرها من الصحف الأسبوعية واليومية .

صدر للمؤلف

- اللهو والترفيه بين الحلال والحرام.

- العمل والإنتاج عنوان الكفاية ومعيار التقدم والحضارة.

- طرق إعداد القادة الإداريين وإختيارهم وأثرها على كفاية العمل

الإدارى ، دراسة فى القانون الوضعى المعاصر.

- سلطة القيادة فى النظم الإسلامية مع مدى تطبيقها على النظم الحديثة

(تحت الطبع).

- الشورى بين الإسلام والنظم الوضعية (تحت الطبع).

فهرس

- ٥ ألحان فى أحاسيس الأوطان
- ٦ ولسه الطريق
- ٧ قوم ياشعب
- ٩ ميه ميه
- ١٠ أحلم بآيه
- ١١ مفيش سلام ولا كلام
- ١٣ يارب تعدى على خير
- ١٤ مصراويين
- ١٥ والله تستاهل مصر بلدنا
- ١٦ وحدويين
- ١٧ دق ياقلبى
- ١٩ مغرمين يامصر بيكى
- ٢٠ بلدنا وبنحبها
- ٢١ ياويلنا ياعارنا
- ٢٢ متحملين
- ٢٣ يابختك ياشهيد
- ٢٥ كفانا مليونيات
- ٢٦ عشق الضنى

- ٢٧ قلنا لكوا
- ٢٩ الله عليك يا وطن
- ٣١ أحلى وأغلى الأوطان
- ٣٢ بلدنا بتعيش التغيير
- ٣٣ أم الخلود
- ٣٤ بعشق بلادى
- ٣٥ أم الثورات
- ٣٦ هيا اللى حبيبتنا
- ٣٧ فوق الكل
- ٣٨ خلوا بالكم
- ٣٩ بنحبك للأبد
- ٤٠ ليوم القيامة
- ٤١ بعد الثورة
- ٤٢ مين زى بلدنا
- ٤٣ (جلجالات فى حفظ الدين)
- ٤٤ بلاش يا قلبى
- ٤٥ أحلى الكلام
- ٤٦ أقوى من الموت
- ٤٨ ٣٠ ليلة و ٣٠ يوم
- ٤٩ إلا حضرة النبى
- ٥١ صحى النوم

٥٢ يارب سامحنى
٥٤ صحبة النبى
٥٥ داننت ليا الدنيا
٥٦ أشوف فيكم يوم
٥٧ فى القلوب
٥٨ لمة العيد
٥٩ نويت أخبى
٦٠ حب الإنسان
٦١ على الله
٦٢ (معزوف الكلام فى أوقات الشدة والظلام)
٦٣ آه يادنيا
٦٥ يالهوى على الدنيا
٦٧ على بختنا
٦٨ إلا أبدا اللى يجرحنى
٧٠ سيبك ياقلبى
٧٢ يا اه يا اه
٧٤ لسه بتخاف
٧٦ أنا مش سافل
٧٧ حاسب يا حبيبى
٧٩ صاحب الجلالة
٨٠ قعدى يابدلتى

- ٨١ عارفك قلبى
- ٨٢ تهون الشكوى
- ٨٤ ياخسارة على الدنيا
- ٨٥ آه ياليل يا قمر
- ٨٦ نفسى يادنيا
- ٨٧ مين يقوله
- ٨٨ ندانا الحق
- ٨٩ نفسى آخذ حقى
- ٩٠ ياخسارة ع الزمن
- ٩٢ الدنيا بقت حقيرة
- ٩٣ كلام المغرورين
- ٩٥ يا نادغ الصبر
- ٩٧ متعذبنيش
- ٩٩ ياخسارة على دا زمن
- ١٠١ شفت يا قلبى
- ١٠٢ ماتخفش يا قلبى
- ١٠٣ بعتب عليك يادهر
- ١٠٤ هيه يدوبك نظرة
- ١٠٥ ياخسارة ع الشهادات
- ١٠٦ مكنش العشم
- ١٠٨ مسيرها بكرة يادنيا تتعدل

- ١١٠ مش يايدى
- ١١٢ كان نفسى
- ١١٣ ياعينى على صاحبى
- ١١٥ خوفنا ياسنين
- ١١٧ حلمك أدامك
- ١١٩ أنا وقلبى
- ١٢٠ فوقنى ياليل حبه
- ١٢٢ يالى قلبك من حديد
- ١٢٣ مالى بالجراح
- ١٢٤ مش مسامحك
- ١٢٥ ياوكلين حقى
- ١٢٦ آه يانى آه يانى
- ١٢٨ آه ياعينى ع الفقير
- ١٣٠ رغم أنف الحقود
- ١٣١ جت سليمة
- ١٣٣ الحياة لما تروق
- ١٣٥ يالى إتجرحت كتير
- ١٣٦ آه منك ياظالم
- ١٣٧ ماتقوليش
- ١٣٩ قلبى المطحون
- ١٤١ ياويل قلبى

- ١٤٢ لحد أمتى أفوتلك
- ١٤٤ اه من اللي ظالمنى
- ١٤٥ مفيش حد سليم
- ١٤٧ عشانك ياقلبي
- ١٤٨ آخرها هايبقى حلو
- ١٤٩ حرام عليك
- ١٥٠ جرحونى الخاينين
- ١٥١ هناك يامظلوم
- ١٥٢ الله يعوض علينا
- ١٥٤ مهما يحصلى معاك
- ١٥٥ وكلام يهيم الناس
- ١٥٦ أنا مش راح أصرخ
- ١٥٧ (ملحمة فى مشاعر الدفء والحب والأمان)
- ١٥٨ افرح ياقلبي
- ١٥٩ هيا دى أمى
- ١٦٠ ومش هاينفع الندم
- ١٦١ وحدى والقمر
- ١٦٣ قلبى عليكى ياقمرى
- ١٦٥ يا فارقة الدنيا يا أمى
- ١٦٦ مش هانساك يابا
- ١٦٧ ناس زمان

- عاشت أُمى ١٦٨
- حلوة الدنيا وجميلة ١٦٩
- الله على الرسام ١٧١
- خيرك يا أبويا ١٧٢
- محتاجك يا صاحبي ١٧٣
- إلا فراق أخويا ١٧٤
- بر أمك بر أبوك ١٧٦
- الدنيا لما تدى ١٧٧
- آه يا قلبي من بنات اليوم ١٧٨
- حلوة العيون ١٨٠
- الست ست والراجل راجل ١٨١
- الله يجازى الهوى ١٨٢
- البنات دى عسليه ١٨٣
- أوصيك يا بنى ١٨٤
- أختى الطيبة ١٨٥
- مال يامه حبيبي ليا ١٨٧
- أجارك الله يا بنى ١٨٩
- الست الحثالة ١٩٠
- حلوة أوى ١٩١
- لا حب أول ولا حب تانى ١٩٣
- الحب التمام ١٩٥

- ١٩٧ يارب خلى أمى
- ١٩٨ بعد أمى أنا مليش
- ١٩٩ لآخر يوم فى عمرى
- ٢٠٠ كيد النسا
- ٢٠١ الشنط والموتوسيكلات
- ٢٠٢ يابنت الإيه
- ٢٠٣ غمزلى الواد
- ٢٠٤ مالو الحب مالو
- ٢٠٦ يادخلة قلبى
- ٢٠٧ أنا واد صياد
- ٢١٠ قبل ماتضيعى
- ٢١٢ ملكيش حق
- ٢١٣ لكل سن لون
- ٢١٥ ياعصرة قلبى
- ٢١٧ وخفف ياقلبى لوعتك
- ٢١٩ يازفة العرايس
- ٢٢٠ دايمما بأمى بحس
- ٢٢١ قلبى متاخذ
- ٢٢٣ الدنيا نصيب
- ٢٢٥ ماما يا ماما
- ٢٢٦ أمى بتحس تملى بيا

- ٢٢٧ أمى الغالية
- ٢٢٨ هى دى أمنا
- ٢٢٩ وخلص الدنيا ضحكتملى

* * *